

四庫全書

史部

欽定四庫全書

史部

陝西通志卷二十八

詳校官給事中臣李臺

檢討臣德生覆勘

總校官降調編修臣倉聖脉

校對官中書臣陳木

謄錄監生臣汪緣

欽定四庫全書

陝西通志卷二十八

祠祀一

寺觀附

五禮首吉國事攸隆泰壇廊時等於郊宮几筵棹桷
崇德報功雲旂風駕萬福來同維彼二氏闡教關中
鳩摩譯義柱下遺蹤仙梵境界金碧龍蔥牖民覺世
用召和豐作祠祀志第十二

西安府

社稷壇 在府城東康熙四年知府葉承祧建附郭

不置各縣如制雍正三年定每歲祭社稷壇祭品

羊一豕一帛一鉶一籩四豆四簋二簋二刊圖通

行

府冊

風雲雷雨山川壇 在府城西北知府葉承祧建各

縣如制

賈志

文廟 在府治東南建自宋元至元中廉希憲修明

正統間知府孫仁益增拓之正殿七間兩廡各十

七間廡南為廚舍東西各二間前為儀門稍南為
碑亭二兩司府縣官廳東西相向又南為宰牲所
前為櫺星門門前為泮池跨以石橋萬厯庚子巡
按李思孝建橋前為太和元氣坊左右碑亭二永
壽王府中尉惟煥建坊前為屏東西二坊曰賢關
曰聖域廟左為啓聖祠

本朝康熙二十三年十月初一日

御題匾曰萬世師表至雍正元年改啓聖為崇聖祠追封

孔子五代王爵祀以太牢四年三月初八日

御題匾曰生民未有各學如制

府冊

先農壇 在東郊各縣如制藉田四畝九分藉田後

建壇高二尺一寸寬二丈五尺壇後正房三間配

房各一間壇廟藉田之外週圍繚垣門南向每歲

仲春擇日致祭祭品與社稷壇同雍正五年為始

陝西四府十州屬准銷建設銀共肆千伍百貳拾

壹兩叁錢陸分柒釐零

府冊

關帝廟 在滿城舞生壇雍正三年追封關帝三代

公爵供奉後殿歲春秋廟祀以太牢各縣如制

府冊

龍王廟 雍正五年七月內奉

上諭龍神專司各省雨澤地方守土大臣理應虔誠供奉朕特造各省龍神大小二像可著該省督撫迎請供奉本地虔誠展祀欽此隨迎請 福秦順應龍神

大小二像立廟宇供奉在府治西南

府冊

文昌祠 在府治中街

賈志

八蜡廟

在府治南各縣如制

賈志

旗纛廟

在都司舊署旁一在西關大教場

賈志

城隍廟

在府治西明代累修有碑記

本朝雍正初火燬隨移秦府木植改建各縣如制又附

近省城別立廟一在河池寨去城二十五里順治

十三年修有記一在唐家寨去城二十里康熙十

八年建一在王曲鎮去城三十里

府志

郡厲壇

在府北五里各縣如制曰邑厲鄉保曰鄉

厲

府志

名宦祠

在學宮左各縣學如制

府志

鄉賢祠

在學宮右各縣學如制

府志

忠義孝弟祠

在學宮內雍正元年建各縣如制

府志

節孝祠

在學宮外雍正元年建各縣如制合四府

十州建立忠義節孝祠宇准銷銀叁千壹佰肆拾

壹兩陸錢零

府志

賢良祠

在長安九府街雍正十年奉

勅建署巡撫兵部尚書史貽直撰記

府冊

長安縣

禹王廟 在縣治西四十里為豐水而建

賈志

五嶽廟 在縣治東南禱雨輒應歲久傾圯明正統

九年都御史陳鎰增修

本廟碑記

本朝尚書白如梅重修有記

縣志

東嶽廟 在縣治西南

賈志

西嶽廟 在縣治西

賈志

明成化十七年住持蘇元靖

重修有記

縣志 按古封西嶽廟在華陰
縣歷代典禮詳載華陰本廟下

關帝廟 在城內西五臺及鐵爐水池等坊金光落

晁郭杜等里鎮

縣冊

元君廟 在縣北三十里馮黨里創自唐代

本朝康熙六十年重修

縣冊

太白廟 在縣西郭外明崇禎間旱禱屢應撫軍使

者汪喬年重修

本廟
碑記

本朝總督尚書白如梅繼修有記

縣志 按太白山綿
亘最長惟鳳翔府郿

縣為就近故山湫神廟在郿歷
代封典故蹟詳見郿縣本廟下

龍王廟 在南城外創自明景泰元年有記

本朝雍正元年重修

縣冊

雷神廟 在城北明萬曆四十五年重修咸寧趙民

俊有記

縣冊

二郎廟 在西關廂明弘治二年建廟後有泉旱禱

輒應嘉靖庚申鄉民徐溢等二十餘人以禱雨復

新祠宇

本邑知縣某撰碑記
有二郎廟但二郎有二

秦蜀郡太守李冰

子二郎佐父治水有功元至順六年加封為英烈
昭惠靈顯仁祐王見續文獻通考宋大將李顯忠
子二郎明正統中勅號波海廟祀保安安定安塞
等縣見延安府志今二郎神廟散見於西鳳府州
縣者疑皆
蜀守二郎

府君廟 在城西四十里祀唐相崔珙武德三年民
懷其德為之建祀太宗夢與神遇遂封號曰府君
之神宋大中祥符三年祈嗣有應加封地曹判官
遣使致祭元延祐二年封為護國西齊王建廟始
於長安因祀焉明弘治五年監察御史蘇州知府

孟俊有靈應碑記其一在城西二十里崔家莊

縣志

終南山祠

唐文宗開成二年建

賈志

開成二年四月

辛酉詔終南山興雲必雨若當晴霽雖密雲他至

竟不需霈况茲山北面闕庭日當恩顧修其望祀

寵數宜及令中書門下差官設奠宣告恩禮擇立

廟處所以聞八月乙未長安令杜慥奏准詔置終

南山祠宇畢已酉冊南山為廣惠公

冊府元龜

恭定祠 祀明工部尚書謚恭定馮從吾以門人党

還醇等配南京光祿卿文翔鳳有記

賈志

附古壇廟

泰一壇元光二年從亳人繆忌奏立泰一壇

於長安城東南郊按禮樂志武帝祀太一甘泉在

京西北王應麟辨太一與泰一不同

賈志

唐園丘在

長安明德門東南一里

賈志

黃帝壇百神壇赤帝壇

並在縣南安化門外

白帝壇縣西開化門外

夕月壇縣西開遠門外

雨師壇縣西金光門外

宋敏求長安志

社壇在縣西南五里光德坊

賈志

黑帝壇在

府治北大倉畔

賈志

雷公壇在府城北元武門外

賈志

司中司命壇在開遠門外

賈志

漢太上皇廟在城中

香室街酒池北

三輔黃圖

高帝廟在長安故城安化門

裏大道東隋遷都移廟於皇城開福門外頒政坊

有題詩

關中記

括地志云高廟在長安西北十三里

渭南

史記正義南與安化門微異

按渭

祀漢高帝於長陵蕭何配

以一太牢而無樂

隋書禮儀志

原廟惠帝為朝長樂宮

數蹕煩民築複道武庫南叔孫通曰此高帝月出

遊衣冠之道奈何乘宗廟道上行哉帝懼曰急壞
之通曰人主無過舉願為原廟於渭北衣冠月出
遊之益廣宗廟大孝之本上乃詔有司立原廟

漢書

叔孫通傳

原再也高祖已有廟在長安城中

本傳註

孝惠

廟關中記曰惠帝廟在高廟之西

府志

長安縣休祥

坊有顧成廟

宋敏求長安志

景帝廟號德陽武帝廟號龍

淵

玉海

孝昭廟二廟內武昭子孫分葬其中

府志

昭帝

廟號徘徊

玉海

宣帝皇考廟漢書元康元年立皇考

廟益奉明園戶為奉明縣

府志

樂遊廟關中記曰宣

帝許后葬長安縣樂遊里立廟於曲江池北名曰

樂遊廟

府志

孝元廟元帝廟號長壽

王

海漢書曰王莽

壞孝元廟更為文母太后起廟獨留故殿為文母

暮食堂

府志

孝成廟帝王世紀曰成帝廟名池陽

府志

太祖朝嘗詔脩先代帝王祠廟令太常禮院重定

配享功臣檢討儀相畫樣給付漢高帝以蕭何配

文帝以周勃陳平劉章宋昌配景帝以周亞夫竇

嬰申屠嘉晁錯配武帝以公孫宏衛青霍去病金

日碑配宣帝以丙吉魏相霍光張安世配以上並

祀在長安

揮麈前錄

渭陽五帝廟漢書曰文帝十五年

齊人新垣平望氣言長安東北有神氣成五采於

是詔作渭陽五帝廟廟記曰五帝廟在長安東北

府志

光武至長安見宮闕盡廢宗廟為墟乃徙都洛

陽取十廟合於高祖作十三室太常卿一人別治

長安主知高廟事

三輔故事

唐安上門街東太廟先天

中置 中宗廟 讓皇帝廟開元年建 崇恩廟

神龍時建

長安志

唐高祖廟以河間王孝恭殷開山

劉政會淮南王神通配

揮塵前錄

武成王廟在太平坊

修德坊興聖廟天寶二載建 元獻皇后廟乾

元元年立 永陽坊有恭僖貞獻二太后廟 惠

昭太子廟元和八年置 文敬太子廟貞元中徙

置 永和坊有隱太子廟 節愍太子廟在待賢

坊 嘉會坊有莊穆公主廟 常安坊有章懷太

子廟

胡祆祠武德四年立

長安志

秦樗里子廟在

府衙西畔

馬志

安平公祠在指揮街隋宇文愷有遷

都功故廟食

馬志

汾陽王家廟在舊府城北榭乃其

故宅

馬志

石門山神廟在縣西十三里石炭堰神

廟在縣西南四十里貞元年置河伯廟在縣北

二十六里

雍侯廟在於府城北街

長安志

西平郡

王廟新說唐李晟官至太尉中書令贈西平郡王

勅立廟宇今在慈恩寺西南一里貞元八年立廟

碑尚存

馬志

寇萊公祠在舊京兆掖庭街西有寇萊

公園亭為寺今在貢院之後祠中有石刻詩

馬志開

平忠武王廟在縣治西常遇春以開陝功命有司

立廟歲時致祭

續文獻通考

正統元年建

馬志

三臺寺

在縣北二十里有小碣上書係古漢城基

名曰西高廟東漢明帝創建明萬厯壬寅年修

本朝康熙十二年巡撫杭愛重修提學許孫荃有詩

縣志

福勝寺

在城西南十里漢時創建歷唐宋元明歲

久剥落

本朝康熙五十六年重修

本寺碑記

燉煌寺

在城北十八里晉時有燉煌菩薩曾譯法

華經於此寺後燉煌入滅遂為塔以龕其靈骨及舍利至隋重建

本朝順治間塔圯露舍利靈骨時復為函以瘞之仍葺

其寺

縣志

金皇統五年住僧政公重建大定二年賜

額勝嚴禪院明正統間住僧了菴與其徒性福繼

修成化十一年住僧性惠覺成二人增修

本寺碑記

莊嚴寺

在城西南十二里木塔寨隋文帝為獻后

立為禪定寺唐武德年改今名

馮志

殷令名題額南

門外辟白蕃神尹琳畫中門東西盧稜迦畫兩壁

甚大

歷代名畫記

本朝康熙十七年僧靈菴五十二年僧巨目相繼增修

縣志

鐵塔寺

在城西三里本唐章懷太子宅咸亨四年

捨為寺

賈志

明天順元年住持俊公創修長安韓溫

有記

縣志

崇禎七年重修其城西南四十里馬王村

另有鐵塔寺嘉靖四十一年建

縣志

靈感寺

唐宣律師修行處有淨土壇景龍中建

賈志

本永興王府中家佛堂原為西明寺貞觀末改今

名

本寺碑記

明萬厯年三次重修寶塔

縣志

香積寺

在城南子午谷正北神禾原上郭子儀收

長安曾陣於此唐神龍二年建王維有詩

馮志

宋太

平興國三年改為開利寺舊有香積堰水入城中

遭朱泚亂壞龍首香積以決其流宋時龍首堰復

香積堰廢

馬志

寺離城三十五里前有大小塔二

縣志

清教寺

唐中宗時建

賈志

溫國寺

在城南四十里滴水岸

賈志

本隋薛國公長

孫覽妻鄭氏捨宅置名實際寺唐開元十五年大

德進法師立為道場建塔改為溫國寺

馮志

明弘治

壬子住持智全繼脩

都御史管楫記

淨土院尹琳畫三門

內吳畫鬼神

歷代名畫記

明嘉靖三十三年住持周安

重脩有記

縣志

本朝雍正十年興工脩葺

縣志

觀音寺

在城內廣濟坊唐天寶二年建

府志

明正德

十五年重脩

尚書劉璣記

一在城西二十里董蘇里隋

時建明宣德元年脩一在城西二十里馬家寨

本朝順治十四年建

縣志

感業寺

在古長安城西北即武后為尼處

賈志離城

二十里明萬曆十二年重脩

本寺碑記

百塔寺

在城南五十里許

縣志

本唐僧信行塔院大

歷二年間募信行者皆寔於信行塔之左右故名

百塔

馮志

百塔寺唐相裴公所施之地明萬曆十九

年秦藩捐貲增脩

張芳碑記

翠微寺

在城西南終南山上

馬志

本唐太和宮武德

八年建貞觀十年廢二十年太宗厭禁內煩熱命

將作大匠閻立本再葺改為翠微宮元和元年廢

為翠微寺

宋張茂中
遊城南記

萬壽寺

在長安古城霸城門外一里許本梁蕭岑

宅隋文帝立為延興寺寺東院蕭琮之堂捨入寺

唐中宗改為永泰寺大中六年改為萬壽寺刺史

劉杕撰記

馬志

甘露寺

在城南五十里唐杜牧之有詩

縣志

華藏寺

在得辛坊即唐保壽寺因性方和尚造經

於此改今名

賈志

大明寺

在北門外

馬志

寺創於北周天和四年隋更

卜遷於皇城北墉外明嘉靖丙申再葺後地震大
圯隆慶戊辰僧元德以善信所施度規制而重新

之

參議陳
綬碑記

琉璃寺

在城西三十里創自唐代明成化丁亥邑

令李經捐俸興脩

本寺
碑記

安慶寺

在西關廂創自唐代

本朝康熙二十年南昌熊士濱脩建

本寺
碑記

西五臺 在城西北隅是臺基於唐創於宋屢葺於

明有禱必應六月大會歲以為常爰於康熙戊戌
捐俸重脩由三天門拾級而升層臺紺閣環列左

右最高處為大士殿登殿四望目收一郡之勝

總督

鄂海記

安衆寺 在城內西北隅本宋寇萊公準花園後改

為寺內有萊公祠

馬志

清涼寺 在城南二十里塔坡里金大定二年建明

嘉靖二十八年重脩有記

縣志

洪福寺

舊在西關唐貞觀間太宗為穆皇后追福

立為弘福寺神龍間改為興福寺金大定四年改

額曰洪福寺明洪武二年徙西門外成化間住持

真景重脩秦藩樂善堂有記

縣志

建福寺

在城西南四十里金大定四年建元至正

十三年修明萬厯壬子年重修

縣志

普門寺

在終南小白華山元至正十五年建

賈志

龍定寺 在城西南十五里魚化寨南創自元代安

西王侍姬池花已氏明成化乙未住僧文聚修葺

殿廡宏壯加於舊規

秦藩六化翁碑記

本朝康熙年移建寨北

縣冊

西開福寺 在城內含光坊元太監歐陽氏建明嘉

靖己未住僧微滄重建

本寺碑記

萬曆元年脩

本朝雍正八年重脩

縣冊

清真寺 在縣東北明洪武十七年尚書鐵鉉修永

樂十一年太監鄭和重修

賈志

圓覺寺 在縣署北明永樂二年建

本朝順治十年重修

縣志

豐德寺 在城西南六十里明永樂三年建正德五

年修

本寺碑記

本姚興草堂寺鳩摩羅什譯經於此

縣志

金佛寺 在城西二十里創建無考明天順七年重

修

縣志

逍遙寺 在城西南二十里甫張村創時碑志無考

明成化十一年住僧祖慧募修殿宇塑像鑄鐘規制大備萬厯乙酉住僧會深會琴增修南殿復塑羅漢及諸天菩薩煥然成偉觀矣

保定同知田實發碑記

大崇仁寺 在城西五里考郡乘隋高祖子秦孝王

施宅建為濟渡寺唐貞觀二十三年太宗上賓高

宗徙濟渡寺於安業坊之脩善寺而以其處為靈

寶寺盡度太宗嬪御為尼以處之復徙隣之道德

寺於休祥坊之太原寺而以其處為太宗別廟至

儀鳳二年二處併為崇聖寺輦下歲時記唐進士

櫻桃宴在崇聖寺佛牙閣即此也明天順八年秦

藩創脩治地得古白玉佛像及鐘磬碑刻之屬至

成化十二年畢工明年額曰大崇仁寺按察副使

伍福有記縣志俗呼為金勝寺以寺後之金勝鋪金

勝亭同為補長安之金氣故名寺內有藥師殿天

順間寺東光彩浮騰迺掘地得藥師佛玉像嘉靖

甲子渭溪馮迪聞之秦府築臺作殿長史趙德輝記寺為

秦邸香火院締構丹碧長安城諸寺不及也前有

唐大德檀法師塔銘姜立祐撰石幢尊勝神咒張

少悌書皆殊絕

趙岫記

本朝康熙甲子總督鄂海迎藥師佛像至署飾以金彩

廟貌莊嚴并自為記雍正九年知府王紹文倡捐

惜字會田以膳僧人有碑記

縣冊康熙己丑僧止水重修卧佛殿五

楹壬寅僧牧野重修大殿五楹雍正甲寅僧文若建文昌宮三楹觀音殿五楹

報恩寺 在縣治南唐中宗時為懿德太子資福遂

名懿德寺兵燹址存元至元中賜平章也先捏夫
人也魯為花圃嘗見白石像放光因捨為寺勅額
大興國報恩寺明改報恩寺弘治二年秦藩樂善

堂有碑記

縣志

本朝康熙二十九年重脩

按賈志云唐中宗時建悞

清脩寺 明洪武二十五年建

賈志

元通寺 在城西南七十里明永樂元年創脩

本朝康熙五十三年重脩

縣冊

總持寺 在縣南四十里沈橋里明弘治十五年建

縣志

蓮池寺 在城內西北蓮花池明秦府遊覽勝地崇

禎八年脩

本朝康熙七年撫軍賈漢復重脩雍正元年繼脩

縣冊

睡佛殿 在城內西五臺香米園順治元年建

縣冊

萬清寺 在城內水池坊康熙三十五年建

縣冊

名相寺 在城西南三十里創建無考

本朝康熙四十二年重脩

縣冊

廣仁寺

在西和園教場傍康熙四十四年

聖祖勅建西巡時

御書慈雲西蔭四字匾額并

御製碑文

縣冊

羅漢寺

在五臺西石鰲谷四十里又上嶺二十里

有羅漢洞遊人至此如在天上

賈志按長安志萬年縣有羅漢寺

在縣南六十里附考

昊天觀 在城北一里許唐貞觀初為晉王宅顯慶

元年改為觀明嘉靖戊子歲旱禱雨有應庚戌年

重脩

蘭谷邢朝楨記

萬厯二十三年耆民徐楫等重脩應

天府尹王鶴撰記

縣志

迎祥觀

在城內廣濟街東明成化間道士高靜寬

重脩迎祥即景龍觀也創自唐景龍二年按蘇靈

芝書老君應現碑開元二十九年玄宗夢見老君

曰吾乃汝遠祖有像在京城西南百餘里汝遣人

求之吾合與汝於興慶相見覺而異之即命尚書
張九齡道士蕭元裕尋訪於藍屋聞仙峪果得老
君王像高三尺餘以進其日玄宗在興慶宮遂親
迎謁置於殿內次日送景龍觀大同殿安置瞻仰
與夢中所見無異即改景龍為迎祥觀仍於現像
之所建會靈觀焉尚書王
恕記景龍觀景雲二年天台
道士司馬承禎被召止於此觀兩京
記今鐘樓為懸
鐘所唐睿宗景雲鐘銘刻其上縣
冊

通真觀 在城南三十里唐武宗時建

縣志

天慶觀宋大中祥符年建

賈志

元至元間改為玉清宮

至正間以道士能通元妙遂以通元宮名焉明弘

治年住持李本懷重脩有記

縣志

披雲觀 在南豐里離城五十里金大定年建

本觀碑記

雲興觀 元大德二年建

賈志

在苗家庄離城五十里

本觀碑記

紫薇觀 元泰定年建

賈志

遇仙觀

元至正年邑人李之元建

賈志

仁王院

在景風街今訛為九府街即十方院有唐

韓擇木八分書史維則篆額

賈志

元慶菴

在縣治北順治初戶部王來用建脩康熙

三年為禱雨輒應撫軍賈漢復重脩

縣志

北極宮

在城內水池坊康熙二十二年重脩

縣志

仁聖宮

在縣西十里棗園寨康熙四十七年建

縣志

附古寺觀

三會寺在城西南二十五里宮張村內有蒼

頡造字臺唐景龍中中宗嘗幸其寺

雍勝畧

元法寺

本隋禮部尚書張穎宅開皇年立為寺

賈志

千福寺

在安定坊會昌中毀寺額上官昭容所書後有

僧收得再置懸之有唐太宗聖教序僧懷仁集右

軍書碑又有楚金和尚多寶塔碑顏魯公書東塔

院楊廷光白畫鬼神西塔院元宗題額北廊法華

七祖繞塔傳法二十四弟子塔北普賢菩薩似是

尹琳畫西廊天師真韓幹畫有懷素草書

歷代名畫記

雲山寺山巔豎雲臺內有讀書石室

賈志

唐明寺唐

玄宗時建

賈志

敦化坊靜影寺隋文帝為沙門惠遠

立寺額殷仲容題

安業坊資善尼寺隋蘭陵公

主捨宅置

濟度尼寺永徽中徙

太平坊定水

寺隋楊紀立

通義坊興聖尼寺貞觀元年立

興化坊空觀寺隋時立

崇德坊證果尼寺本隋

月愛僧寺貞觀九年改

頌政坊龍興寺貞觀五

年太子承乾立

法尼寺隋開皇三年坊人田通

捨宅立 證空尼寺貞觀十七年立 布政坊法
海寺開皇九年為沙門法海立 濟法寺開皇二
年沙門法藏立 鎮國大波若寺景龍三年立
光德坊慈悲寺武德元年立 靜法寺隋開皇十
年立 崇賢坊海覺寺開皇四年立 大覺寺開
皇二年立 崇業尼寺神龍元年改名 延福坊
紀國寺隋開皇六年立 金城坊開善尼寺開皇
中立 會昌寺武德元年立 醴泉坊妙聖尼寺

開皇二年周靜帝皇后平原公主立 嘉會坊褒
義寺隋尉遲剛立 義寧坊積善尼寺開皇中高
顯妻賀跋氏立 居德坊普集寺開皇七年鮮于
遵義立 羣賢坊真心尼寺隋宦者宋祥立 辨
才寺武德二年徙 慧日寺開皇六年立 豐樂
坊大開業寺本隋勝光寺儀鳳二年改為開業寺
安業坊唐昌觀玉藥花發若瓊林瑤樹元和中
車馬尋玩相繼忽有一女子年十七八容色婉婉

從以二女冠三小僕端麗無比下馬直造花所令
僕取花數枝出乘馬曰曩有玉峰之期自此行矣
須臾已在半天劉禹錫白居易等有詩 新昌觀

天寶六年立 敦義坊五通觀隋為道士焦子順
能驅鬼神傳符錄預告文帝膺命即位立觀旌其
神術 豐邑坊清虛觀開皇十年為道士呂師元
辟穀鍊氣立 玉真觀縣西北四里 金仙觀縣

西北三里

宋敏求長安志 按唐寺觀甚夥今特錄其久廢者備考永昌觀本

神農黃帝祠金改為觀

縣志

咸寧縣

東嶽廟 在城東南四十里漢時建元至正間道士

劉道慶脩明成化間道士楊道彬增脩并拓廟地

本廟
碑記

關帝廟 在大菜市明天順年建其在城糯米市歸

義坊及東南北各關廂在鄉新住鎮二龍里候官

寨俱有廟

縣志

元君廟 在城東南四十里龐留村其北郭南關杏

元頭余兆村候官寨俱有廟

縣志

三官廟 在城東十五里田家灣創自宋有明正德

三年里人尚膳太監李福捐修嘉靖十四年重脩

參政崇
儒碑記

普濟祠 在東苑里祀西嶽金星歲旱有司禱雨於

此明萬厯年累脩

賈志

祠內有金龍廟萬厯間神於

黃河顯聖渡者獲安里人程學曾等議建廟宇因

北地像少里人王祥繪像江南身負至秦遂塑像

立廟

本朝康熙十年里人張維英重修

本寺碑記

龍王廟 在城南二十里韋曲又縣東十二里長樂

坡有五龍廟隋建明洪武迄正德間屢修嘉靖三

十年里人賈仁等重修

都御史曹蘭碑記

鐵爐廟 在縣東南五里鮑坡里唐時建

本朝康熙三十五年重建

縣冊

雷神廟

在城東十五里明萬曆十五年建有記

縣志

太乙元君行宮

在東關鮑坡坊舊有廟在太乙谷

士民以其去城甚遠不便祈祝故建行宮未知創自何代明景泰丙子增建道院成化戊戌道士和誠悅耆老馬道聚等捐貲重修臨潼郡王撰碑廟

左太白殿嘉靖年建萬曆年重修郭滔有記

縣志

火神廟

在城內火藥局順治甲午吳都司建

縣志

董子祠

在學宮後嘉靖二十一年侍郎趙廷錫改

建有尚書唐龍侍郎呂柟碑

馬志

今在城東祀漢儒

董仲舒祠後有墓

本朝咸寧知縣黃家鼎重建

賈志

杜子祠

在樊川祀唐工部杜甫明嘉靖間都御史

王蓋巡按吉囊郭鏞段汝礪王鼎建以刑部主事

張治道配兵燹後

本朝康熙六年知縣黃家鼎重脩

縣志

附古壇廟

隋大社在含元門街西南唐移置薦福寺北

賈志唐社壇縣東南二里平康坊南郊壇百神壇

靈星壇並在縣南十五里啓夏門外風師壇青

帝壇先農壇並在縣東北漉水上九宮壇縣東

南十里春明門外馬祖壇大厯五年置

宋敏求長安志

道統祠舊在府治西祀伏羲神農黃帝堯舜禹湯

文武歷代聖人以帝臣王佐配知府葉承桃移祀

關中書院

縣志按道統名臣等祠舊係長咸合祀今以建立之縣編次

漢文帝

廟在縣東本陵北去縣二十五里宣帝廟在縣

東南本陵北去縣十里 靈臺神廟縣東北四里

九龍堂縣東六里

長安志

北極神廟在鳴犢鎮風

涼原上金初陝西東路每寨立真武廟天王殿以

壯軍威鎮設猛安寨故建廟

馬志

澄源夫人湫廟在

終南山炭谷去縣八十里

貞順武皇后廟在安

義坊

長安志

名臣祠舊在正學書院督學田厥茂改

建於學宮知府葉承祧移置關中書院祀漢槐里

令朱雲丞相王嘉典屬國蘇武太史令司馬遷大

司空竇融定遠侯班超好時候耿弇太守孔奮槐
里侯萬脩司空第五倫太尉楊震楊秉李固唐萊
公杜如晦中書侍郎楊綰黃門侍郎韓休鄴侯李
泌中書令李晟太尉段秀實邠公杜黃裳太保柳
公權岐公杜佑宋萊公寇準魏公韓琦學士呂大
忠楊礪參政范仲淹申公呂公著左僕射呂大防
蘄王韓世忠元蘆訪董立中丞張養浩明都御史
景清金鄉侯王真兵部尚書王竑都御史馬文升

秦紘戶部尚書雍泰學使李夢陽給事中張原兵
部侍郎鄒應龍巡撫陳鎰尚書楊鼎王恕巡撫余
子俊尚書彭澤孫丕揚巡按浦鋹張銓知府曹璜
洛川知縣陳惟芝總制汪喬年巡按金毓峒畢懋
康按察使黃綱知縣滿朝薦吳從義山東僉事王
徵縣志通真太子廟在安遠門東街祀唐忠臣張巡
洪武十三年建有記馬志現聖侯廟舊在春明門外
唐天祐中移於城東南隅馬志正學祠舊在正學書

院明弘治間副史楊一清建萬厯間督學許孚遠
重脩有詩

本朝順治九年督學田厥茂改建於府學尊經閣下康

熙二年知府葉承祧移置關中書院祀宋大儒程

顥程頤張載東以朱光庭等十四人西以呂大忠

等十八人配

縣志

七賢祠在文廟戟門左祀宋儒張

載呂大忠大防大鈞大臨范育蘇昞皆有繪像

賈志

四皓廟在終南山元和八年重建唐杜相公祠

在啓夏門內咸通六年建 鄭國公魏徵廟在昌

樂坊

長安志

義榮先生祠在韋曲祀元成和郎武天

錫馬

志

四霜臺祠在安仁二坊祀巡按沈楠張憲翔

沈時叙沈權明萬厯年建

府志

二公遺愛祠祀知府

余肅敏子俊秦襄毅紘嘉靖二年都御史王翊巡

按喻茂堅清軍御史楊秦共建督學唐龍作記

縣志

寶泉寺亦名元安寺

在縣東南四十里彭村

按下寶泉

寺碑記漢時建寺於山頂即此寺也府志作唐年間建賈志作明洪武年建俱誤

下寶泉

寺在南五臺山下漢時建寺於山頂魏永平中於
峰下塑毘盧佛像增建下寶泉寺泉從竹林寺流
至峰下故名唐時增脩元延祐己未公主僧格喇
實捨金鈔重建泰定四年改峰泉寺明成化正德

間相繼脩葺

工部郎中
周仲仁記

興龍寺

在孝義里漢時建

縣志

大安寺

在鮑坡里去城二十里晉鳩摩羅什譯經

此寺

賈志

靜髮寺 在城東南二十里神峪里隋開皇二年建

明嘉靖年重修

賈志

雲經寺 在城東二十里成留里隋開皇年建明成

化時重修

賈志

興善寺 在承寧門外五里今靖恭坊創自晉武初

名遵善寺隋開皇間額曰大興善寺詔僧徒二十

餘萬實之招提之盛甲於海內唐元和四年建脩

轉輪藏經閣太和二年得梵像觀音移大內天王

閣於寺中作大士閣唐末獨二閣存焉宋淳熙間
崇辦禪師居閣夜深有老狐聽經明永樂時雲峰
禪師重葺殿堂鐘樓稍復舊制

本朝順治五年楚齋廣東二僧重脩方丈大雄殿周垣

四百丈

縣志

康熙二十四年憨休和尚增脩山門三

十年約叅和尚募脩方丈殿廊及鐘鼓樓

縣志

寶慶寺

在安仁坊俗名花塔隋仁壽初建明萬厯

間馮從吾講學於其中

賈志

隋文帝唐中宗嘗臨幸

馬文宗感蛤蜊觀音像建五色塔五代殿宇兵燹

惟塔存

馮志

明景泰二年重脩有碑記

本朝雍正元年住僧文天重脩寺閣

縣冊

慈恩寺 在城南一十里曲江池北唐高宗為文德

皇后建內有浮圖塔六級即今雁塔唐中書舍人

李肇國史補進士既捷題名於慈恩寺塔故今謂

之雁塔題名

馬志

慈恩本隋無漏寺貞觀二十一年

高宗在春宮為文德皇后立慈恩寺永徽三年沙

門元奘起塔初惟五層磚表土心效西域窣堵波
即袁宏漢所謂浮圖祠也長安中摧倒天后及王
公施錢重加營建至十層其云雁塔者天竺記達
嚩國有迦葉佛伽藍穿石山作塔五層最下一層
作雁形謂之雁塔蓋此意也兵餘止存七層長興
中西京留守安重霸再修之判官王仁裕有記長
安士庶每歲春秋遊者道路相屬熙寧中富民康
生遺火經宵不滅而遊人自此衰矣

宋張茂中
遊城南記慈

恩與舍元殿相直高宗每天陰則兩手心痛知文
德皇后常苦捧心之病因鍼而差遂造寺建塔欲
朝坐相向耳

張舜民
畫墁錄

永徽三年用七宮亡者衣物

財帛建雁塔於慈恩寺其基四面各一百四十尺
倣西域制度有五級并象輪露盤高一百八十尺

層層中心皆葬舍利不啻萬顆上層以石為室立

碑載二聖所製三藏聖教序記乃褚遂良筆

續文
獻通

考景龍三年中宗幸慈恩寺登浮圖時在重陽羣

臣上菊花酒上賦詩學士及詞臣並和聖製上官

婕妤以宋之問之詩為美即其事也

李楷雁塔記

塔內

面東西間尹琳畫塔下南門尉遲畫西壁千鉢文

殊尉遲畫南北兩間及兩門吳畫并題大殿東廊

從北第一院鄭虔畢宏王維等白畫兩廊壁間闕

令畫中間及西廊李果奴畫行僧

歷代名畫記

明天順

間秦藩宗室重脩吏部侍郎張用瀚撰碑

本朝康熙五十七年總制鄂海重脩遇仙橋

縣冊

資聖寺

在城東十五里本越國公長孫無忌宅龍

朔年為文德皇后立尼寺咸亨四年改為僧寺後
被火焚灰燼中得經數部不損一字衆以為異數
日之間施捨鉅萬遂營造如故今改為神峪寺在
咸寧白鹿原下

賈志

殷仲容題額檀章畫中三間東

牕南北面吳畫高僧大三門東南壁姚景仙畫經
變寺西門直西院外神及院內經變楊廷光畫北

圓塔下李真尹琳絹畫菩薩

歷代名畫記

興教寺

在城南六十里唐總章二年建

馮志

內有三

塔其中塔特高大為唐三藏法師元奘瘞身之所
尚書屯田郎中劉軻銘左為慈恩基公塔太子左
庶子李宏度銘右則大周圓則法師塔銘之者貢
士宋復也寺之北舊有玉峰軒宋元豐四年知永
興軍呂大防建今惟存長安令陳正舉記石

明都穆遊

終南山記

薦福寺

在水寧門外西南三里許隋煬帝在藩舊

宅唐天授元年改為薦福寺有小塔神龍以後翻

譯佛經並在此寺

馬志

東有放生池相傳即漢洪澤

陂也

馮志

天后飛白書額淨土院門外兩邊吳畫鬼

神南邊神頭上龍為妙

歷代名畫記

武后始立為大獻

福寺度僧二百餘天授初改為薦福寺中宗即位

大加營飾有浮圖十五級高三百餘尺景龍中宮

人率錢所立者也歷宗元明重脩天順二年重賜

寺額撰碑記

本朝康熙間紫谷禪師重脩雁塔初基撫軍永泰捐飾
大殿佛像其寺基周一頃五十畝寺鐘出自武功
河畔砧婦作石擣衣忽聲自石出響聞數里土人
發之乃巨鐘也遂送為寺鐘

縣志

崇福寺

在城東北五十里宣義里唐則天后建時

譯經多於寺金大定甲申重脩勅賜原額

本寺碑記

武

后題額西庫牛昭王陀子畫山水東山亭劉整畫

山水

歷代名畫記

因極寺

在東門外唐神龍元年太平公主為則天

后建

馬志

開元二十六年改額曰興唐明正統八年

住持滿桂重脩僉事四明張楷撰碑並書

本寺碑記

安國寺

在府東迎宣門內唐睿宗舊宅景雲元年

建

馬志

東車門直北東壁北院門外畫神兩壁及梁

武帝郤后等並吳畫并題東廊大法師院塔內尉

遲畫及吳畫東北涅槃變楊廷光畫

歷代名畫記

興慶寺

在縣東唐溫國公蘇長嗣宅開元二年建

賈志

迤東彌陀寺有西方極樂世界碑甚佳

縣志

明成

化十五年重脩

秦藩碑記

開元寺

在縣治西唐開元年建故名後殿有玄宗

御容

馮志

開元二十八年正月二十八日玄宗於延

慶殿與勝光師論佛恩德乃令天下州府各置開

元寺一所

元勝碑

宋建隆四年中書令瑯琊王彥超

及僧嗣麟重脩

侍御史劉從義記

明嘉靖四十二年脩後

有藏經閣

本朝康熙三十年鑲白旗禦方佟阿利等重建

通政使
周之桂

記

清禪寺 在城東南七十里小義谷口唐天寶元年

建

馬志

裴孝源畫錄云有鄭法師畫

歷代名
畫記

觀音寺 在市園巷開元初建一在城南十五里李

王村明初建嘉靖年脩一在城南三十五里樊村

里明嘉靖丁巳重脩

縣志

宣陵寺 在城東南三趙村唐乾元三年建以其地

枕漢宣帝陵故名

馬志

福田寺

在城東四十里唐乾元三年建

縣志

牛頭寺

在城南二十里樊川北隈即勲蔭坡貞元

十一年建有司空圖詩

賈志

舊有唐貞元中徐士龍

撰徧照禪師碑今不存所存惟仙人丘長春詩刻

明都穆遊終南山記

宋太平興國中改為福昌寺明隆慶五

年脩古佛殿前有四季栢四時皆花尤稱奇絕

縣志

本朝達禮善重脩康熙六十一年繼脩

縣冊

寶壽寺

在東郭外新城里唐貞元十八年建明嘉

靖三十九年重脩

縣志

二聖寺

在城東南五十里唐建明重脩

賈志

鐘樓寺

在城南四十里鳴犢里即萬年故址唐時

建明代重脩

縣志

興國寺

在夏侯村西原離城三十里唐三藏香火

院宋為延興寺

縣志

雲峰寺

在東關外唐建

賈志

玉泉寺 在城南四十里初名塗山寺唐開元時僧

思恒建明洪武十四年僧清敬鑄瑤掘石獲洞內
有諸佛羅漢一十九尊又淨樁一座因名曰玉泉

成化嘉靖間屢經脩葺

本寺
碑記

香城寺

在城內錢局創自石晉思遠禪師後周顯

德中賜額廣福禪院宋仁宗更賜名曰善感然人

恒以香城名之元時屢脩有至治二年重脩碑記

縣志

卧龍寺 在陸海坊四牌樓南有吳道子畫觀音像

及佛足跡碑初以像名觀音寺宋有僧惟果長卧

其中人以卧龍呼之故名

賈志

寺在隋為福應禪院

唐名觀音寺宋太宗更名卧龍明正德十六年重

脩

秦藩碑記

圓光寺 在城南六十里太乙山中今稱為南五臺

賈志

隋仁壽中有毒龍變為羽人攜藥貨於長安詐

稱仙術大士現比丘身以妙智力伏妖唐大厯六

年號為南五臺山聖壽寺宗太平興國三年夏前

後六次現五色圓相祥雲等瑞勅額為五臺山圓

光之寺

本寺碑記

千佛寺一名竹林寺在城南七十里

即圓光寺下院明洪武時建萬厯十二年秦藩重

脩副使秦可大記崇禎元年繼脩有碑

縣志

二龍寺 在水寧坊中有龍井宋咸淳國師曇延說

法於此

賈志

道安寺 在城南四十里北王里相傳秦國師道安

曾居此地故名金興定二年建有國師塔存

縣志

圓通寺

在東郭金花坊元至正十一年建

府志

內有

元御史伊喇海壽碑

馬志

明嘉靖二十六年僧法冲

重為拓地構樓供大藏經七千卷水陸神像五十

軸方豎柱有鶴數百飛鳴盤桓如相慶然遂題樓

曰瑞鶴長安張治道撰碑並誌以詩

縣志

本朝康熙五十三年重脩

縣志

洪濟寺

在城東十五里光大里明景泰萬厯間重

脩

本朝康熙二十五年增脩創建失傳

縣志

普光寺

在城南六十里終南山上

賈志

明成化二十

二年重脩

秦府長史游邦貞記

內仰天池舊為龍池寺洪武

初西印土烏薩羅國僧無壞拄錫於此屢著靈異

秦愍王為建上下寺二莊嚴冠長安今廢趙岫有

詩

縣志

寺有方池名曰仰天跨以石梁於茲玩月為

宜

明都穆遊終南山記

天會寺

在縣北五里明洪武時建

賈志

一在城南四

十里

縣冊

崇興寺

在城東二十五里明嘉靖二十一年建

本朝康熙四十二年脩

縣冊

真相寺

在城南郭外明隆慶元年建

府志

本朝有喇嘛僧張姓者募脩此寺

本寺碑記

龍泉寺

在城南四十里二龍里直玉案之北明時

建

賈志

顯鐘寺

在城南四十里章曲

縣志

興福寺

在城南三十里大兆斷碑移碑洞

縣志

菩薩寺

在平康坊

賈志

護國寺

在城中順治庚寅巡撫黃爾性建有記

縣志

喜善寺

在城東南二里李家村康熙四十二年重

脩創建無考

縣冊

丹霞觀

在縣治八家巷漢周亞夫回細柳有疾而

愈建此

賈志

元至正三年脩明嘉靖七年重脩

本觀碑記

天寧觀 在城內粉巷唐貞觀五年建明正德嘉靖

間劉解元序王解元誥滑解元撫皆府學士胥寓

於此以會文學

馬志

本朝雍正元年重脩

縣志

太真觀 在安邑坊唐天寶五年貴妃姊裴氏捨宅

置

宋敏求長安志

金天觀即火神廟 在城東南一里創自唐代內有

金安寥陽二殿明天順初至弘治甲寅三次增脩

長安吉人有記嘉靖己未織造周富捐脩萬厯中
傾圯附觀居民屢見寥陽殿中夜發祥光甚著靈
異里人竇文著等輸錢脩治

本觀
碑記

丹陽觀 在城南四十里杜曲鎮金大定間扶風馬
真人結茅於此其後弟子魏道冲輩建立堂殿遂
以師號名觀明天順丁丑中貴官趙安等重脩長

安游邦貞記

本觀
碑記

玉虛宮 在城內柳巷坊創始於元至正年明正德

嘉靖間兩次增脩

本廟碑記

日月園 在城東南四十里洪武初有仙姑王會真
主是園園穴如門左日右月朝夕映影煙霞繚繞
真仙境也天順間建殿宇

本朝康熙辛卯重脩

本廟碑記

濛溪宮 在城南六十里永樂間有董真人仙去又

有趙閑易安二字石刻甚嘉原為蒙恬舊宅

賈志

葆真觀 在城東三十里南枝里明景泰初女冠張

洞真重脩

本觀碑記

清陽宮

在城東南四十里余村明成化年建

縣志

雙霞觀

在城東南五十里余兆村明嘉靖十三年

建

縣志

八僊菴

在長樂坊宋時有鄭生見八仙顯化於此

明正德間八仙復顯於管氏場圃因建八仙殿又

雷自菴起增建雷祖殿

本朝康熙十四年脩旋開叢林雍正五年住持道士高

永勤重脩

縣志

丹陽萬壽宮

在縣治西南內有雪岩王中書四聖

七真數字

馬志

雍正八年新脩中殿其東闕外五里

許另有萬壽宮即今牛皮洞有元至正間董仙碑

蹟

縣志

北極宮

在東關順治十三年脩

縣志

白雲觀

在縣南三十里陽萬坂創建失攷

本朝康熙六年重脩

縣志

道清觀

在縣東三里許康熙五十六年建

縣冊

附古

報聖寺東觀奏宣帝出內藏緡建大中報聖

寺

賈志按長安志載在萬年縣今攷俱廢

趙景公寺在長樂坊隋開

皇十八年建本曰宏善寺

賈志

東廊南間東門南壁

畫行僧轉目視人中門之東吳畫地獄并題西門

內西壁吳畫帝釋并題

歷代名畫記

寶刹寺隋開皇中

建殿四面立柱中橫虛起層閣榱棟屈曲奇妙故

名

縣志

佛殿南楊契丹畫涅槃等變相

歷代名畫記

菩提

寺隋開皇年隴西公李敬道及僧惠英所奏立寺

唐大中年改為保唐寺

賈志

殿內東西北壁並吳畫

其東壁有菩薩轉目視人殿上构欄耿昌言畫水

族

歷代名畫記

陽化寺隋內史舍人于宣道為父建

賈志

淨域寺隋文帝開皇間立

賈志

恭帝禪位歿於此

縣志

三階院東壁張孝師畫杜懷亮書榜院門內外神

鬼王韶應畫王什書榜

歷代名畫記

淨住寺本隋吏部

尚書裴宏濟宅開皇年立為寺有石塔本姚萇之

浴室

賈志

普耀寺隋開皇獨孤皇后為外祖崔彥珍

立

賈志

勝業寺武德初年為沙門景暉言事多中因

改勝業坊為寺

賈志

崇濟寺唐高祖時建

縣志

本隋慈

恩寺開皇間魯郡夫人立

賈志

楚國寺本隋興道寺

之址高祖起義并州第五子智雲為隋留守陰世

師等所害後封為楚哀王因立寺

賈志

華嚴寺在樊

川因寺名川亦曰華嚴

馬志

在城南三十五里唐貞

觀十九年建高僧說法講華嚴經天雨花故名有

杜順禪師葬塔寺西杜光村即順誕生之地

馮志明

為開福寺內有貝葉三片長三寸細軟如綿帛蒼色嘉靖間地震寺圯萬厯元年僧徵滄重脩邑人王鶴有記今僅存真如塔 招福寺乾封二年睿宗在藩立本隋正覺寺南北門額並睿宗所題長安二年上出等身金銅像一鋪并九部樂南北二門額上與岐薛二王親送至寺景龍二年詔寺中別建聖容院是睿宗在青宮真容也先天二年勅

出內庫錢二十萬工匠一千人重脩

賈志

光宅寺儀

鳳二年望氣者言光宅坊有興氣勅令掘得石函

函內有佛舍利骨萬餘粒遂立光宅寺武太后始

置七寶臺丞相常處厚自居內庭至相位每歸輒

至寺焚香

賈志

東菩提院內北壁東西偏尉遲畫降

魔等變殿內吳生楊廷光畫又尹琳畫西方變

歷代

名畫

記 青龍寺本隋靈感寺開皇二年立文帝移都

掘城中陵墓葬之郊外因置此寺唐景雲二年改

名青龍

賈志

中二門外東西王韶應畫

歷代名畫記

元為

石佛寺

府志

按賈志青龍石佛分載今照府志併入

寶應寺代宗實錄

與會要曰本王縉宅縉溺於佛教妻李氏以疾請

捨為寺代宗嘉之

賈志

寺多韓幹白畫亦有輕成色

者西南院北壁張璪畫山水院南門外韓幹畫側

坐毘沙門天王北下方西塔院下邊鸞畫牡丹

歷代

名畫記

靈花寺本隋司馬竇毅宅開皇年捨為寺大

歷間僧儼誦經天雨花近地而滅夜有光因改靈

花

賈志

杜光寺唐貞元十九年建即隋義善寺

縣志

奉

慈寺本號國夫人宅後為寺尋復為郭曖宅太后

為昇平公主追福奏立奉慈寺

縣志

章敬寺在通化

門外趙村西本魚朝恩宅為章敬皇后立寺故名

殿宇四千一百三十間分四十八院以曲江亭百

司館華清宮觀風樓及將相沒官宅捨給其用

賈志

靈澤寺唐年間建在城南北王里

縣志

開化坊壽尼

寺隋開皇六年立永樂坊永壽寺景龍二年中

宗為永壽公主立 資敬尼寺隋薛國公長孫覽
為其父立 靖安坊崇敬尼寺本僧寺龍朔二年
改 永興坊荷恩寺景雲元年立 勝業坊慈尼
寺隋開皇七年立 薛王業寺本禮部尚書常行
佺宅 安邑坊元法寺開皇六年立 宣平坊法
雲尼寺初名法輪寺睿宗時改 宣慈寺本大理
卿劉遵古宅 日嚴寺隋煬帝為晉王時施營第
材木造 昇道坊龍華尼寺高宗立 平康坊陽

化寺隋舍人于宣道建立 鎮國寺在縣東乾元

二年置 興道坊至德女冠觀隋開皇六年立

永樂坊清都觀開皇七年為道士孫昂立 大業

坊太平女冠觀儀鳳二年吐番求太平公主不許

乃立此觀公主出家為女冠 平康坊萬安觀天

寶七載丞穆公主出家捨宅置 親仁坊回元觀

即安祿山舊宅 永崇坊宗道觀大厯十二年立

務本坊先天觀景龍中為翊聖觀至德三載改

靈符觀兩京道里記曰天寶初桃林獲寶符將

入城宿此因置觀在長樂坡南 太一觀在縣南

六十里終南山炭谷口

宋敏求長安志

元都觀在城南興

善寺西隋開皇二年建唐劉禹錫回朝作詩處

賈志

殿內范長壽畫

歷代名畫記

女冠觀睿宗在藩之地明

皇升極於此

賈志

崇真觀本李齊古宅開元初立

賈志

興唐觀本司農園地開元十八年建

賈志

元和八年

命中尉彭忠獻帥徒三百人脩興唐觀賜錢千萬

使壯舊制觀北距禁城因開複道以絹為夫役之

賜

續文獻
通考

太清宮開元年詔西京及諸州各置玄

元皇帝廟天寶年參軍田同秀上言玄元皇帝見

於丹鳳門以天下太平聖壽無疆之言傳元宗仍

有靈符在尹喜之故宅上遣使就函谷關令尹臺

得之於是置廟後改為太清宮

賈志

初太清宮成命

宮人於太白山采白石為玄元聖容與元宗聖容

並立皆衣王者袞冕之服繪采甚麗

續文獻
通考

華封

觀天寶六年高力士捨宅置

賈志

元真觀本尚書左

僕射申國公高士廉宅天寶十三載改為觀

賈志

嘉

猷觀在平康坊唐建明皇御書額

賈志

乾元觀大厯

十三年作置道士四十九人以追遠祈福上資肅

宗也其地在皇城南長興里本涇原節度使馬璘

之宅璘初創建是宅重價募天下巧工營繕屋宇

宏麗冠絕當時璘將卒抗表獻之帝方軫懷固極

欽崇道福以其當皇城形勝之地牆宇新潔遂命

為觀加乾元名焉仍遣道門威儀申甫司其事

冊府

元龜默庵在夏侯村北元時道士邢道安隱居之所

泉聲清冷竹徑幽深為樊川佳處

至元四年宣撫使趙良弼記集

顏魯公書

咸陽縣

周文武成康祠 在縣治北街明嘉靖十年建有蘭

谿唐龍碑記

賈志

憲宗元和十四年正月詔以周文

王武王祠宇在咸陽縣俾有司精加脩飾

冊府元龜

景帝廟

在縣東十五里

賈志

括地志曰漢景帝廟在

雍州咸陽縣東北二十九里

史記正義

呂后廟

在縣東北三十五里

賈志

龍淵廟

在縣東北八里祀漢武帝

賈志

武帝廟號龍

淵

玉海

太白廟

在縣南二十里

賈志

明嘉靖四十三年建

縣冊

關帝廟

在縣治北宋開寶六年建一在縣寺巷內

縣冊

龍王廟 在縣東二里旱禱輒雨

縣志

武安君廟 在縣西五里

馬志

廟在古杜郵壁間記乾

符五年重脩正書道勁亦有歐法

石墨鐫華按古杜郵在縣東

當另為一廟

藥王廟 在縣北二里雙泉側

縣志

鄼侯廟 在縣西北三十里祀漢蕭何

賈志

永平二年

十一月詔京兆右扶風以中牢祀蕭何出郡錢穀

給蕭何子孫在三里內者悉令侍祠

東觀漢記

傅介子廟 在縣西北三十五里介村

縣志

張王廟即桓侯廟 在縣治南明萬厯四十六年建

後封水神

縣志

附古祠廟

文王廟一在縣西十五里一在縣東碑存

馬志

高祖既受命祀文王武王於豐渭之郭周公召公

配以一太牢而無樂

隋書禮儀志

唐太和二十一年五

月遣使者以太牢祭周文王於豐武王於鎬

冊府元龜

武王廟在縣北五里

府志

長安牧守常有事於文武

廟延興四年坎地理牲廟玉發見四月詔東陽王

丕祭文武二廟以廟玉露見埋之恐愚民盜竊勅

有司收之府藏

魏書禮志

成王廟在縣西十五里

馬志康

王廟在縣北七里

馬志

宋太祖朝嘗詔脩先代帝王

祠廟令太常禮院重定配享功臣周文武以師嚮

熊配武王以召公配成王以周公旦唐叔虞配康

王以太公畢公配

揮塵前錄

昭帝廟與龍淵廟相近

賈志

鄂國公廟在縣東南舊城內

縣志

善因寺

在縣北三十里唐穆宗由複道幸咸陽止

於寺

馮志

廣教寺

在縣北四十五里睦村地俗名三絕謂修

塑畫也宋大觀三年建中有吳道子畫壁神彩飛

動

馮志

本秦望夷宮武則天改為寺

縣志

龍嚴寺

在縣北三十里金大定二年住持信行建

即魏浩居處

賈志

福勝寺

在縣北三十五里金大定三年住持詞諒

建賈志

金佛寺 在縣南十五里河南里創建無攷明弘治

五年指揮晏釗重脩萬厯三十九年繼脩

縣志

安國寺

在縣城內有寂照和尚碑銘

賈志

唐開成六

年建

唐寂照和尚碑舊在馬跑泉後移城中寺

以碑有安國寺字遂改名其寺為安國按碑段成

式撰僧無可書成式文筆自奇無可賈島從弟其

書出柳誠懸

石墨鐫華

義鄉控寺

在縣西北三十三里即忍辱禪師坐化

處

賈志

最師控寺

在縣治肖相里離城三十五里因唐最

師居此故名

縣志

白龍寺

在河南里距城十里崇禎五年建

縣志

長生觀

在縣北二十五里

賈志

秦始皇二十一年建

縣志

太清觀

在縣西北即今真武臺金大定三年建

賈志

法輪禪院 在縣東二十五里金大定八年住持智

慧建

賈志

安樂宮 在縣治陳良里離城二十里康熙十六年

建

縣冊

附古寺

石佛寺在縣治北以有石佛故名

馬志

壽峰寺

在縣治東北文武成康陵所

馬志

興平縣

成湯廟 在縣治西北二十里始建之義無考後人

遂名其地為湯祠鄉

馮志

漢高祖廟

在縣東南二十里樊噲城北

賈志

一在縣

西南三十里龍過村知縣朱文重脩

縣志

關帝廟

在縣治南

縣志

其西關趙村王堡俱有廟

縣志

東嶽廟

在縣治東郭規制宏敞廟宇甲三秦赫有

靈異宋真宗祈嗣於此後人因立廟祀之侍郎呂

柟題知縣章評有迎春十咏

縣志

丁蘭廟

在縣北五里孝子村

馬志

知縣苟汝完重脩

本朝康熙三十九年西安別駕攝篆因廢圯重建記云

孝子河內人寓居茂陵人敬之死則立祠以祀

縣志

崔府君廟 在縣東關祀唐相崔珙

賈志

附古祠廟

漢武帝廟在縣東北十七里

馮志

韓信廟在縣

東南十里唐劉禹錫元陳剛中有詩

縣志

董宣廟在

縣北門內元茅輔有詩

馬志

露膊將軍廟在縣西北

五里

馬志

要冊廟在縣北一里

宋敏求長安志

多寶寺 在縣治東南十五里

縣志

保寧寺

在縣西街

縣志

甘泉寺

在底張東門外知縣章評有詩

賈志

千佛寺

知縣章評有詩

賈志

白馬寺

在縣東南十五里

賈志

明嘉靖十三年建

縣志

太上槐黃山宮

在馬嵬鎮距城三十里即漢代老

子祠

縣志

登真觀

在縣西南唐垂拱間建

馬志

在正安坊離城

五里

縣志

重陽萬壽宮 在蔡家庄創自萬厯元年

縣志

玉清觀 在縣南佐村

賈志

距城十五里

縣志

開化觀 在縣署西南

賈志

附古寺觀

金鈴寺在縣西官路北

縣志

天興觀在縣東北

一里

宋敏求長安志

臨潼縣

龍淵廟 在縣西北二十里祀漢武帝

賈志

關帝廟 在縣治一義勇武安王廟在縣治西北

縣志

龍王廟

在縣治西關

縣志

風王廟

在縣東南驪山風谷中歲旱風自谷出為

百穀病嘉靖間知縣李喬芳屢禱神應因增脩正殿又旁立三間為雨師像有碑記每春秋上戊與

各壇廟同日致祭

縣志

忠烈祠

按三輔會要烈士段秀實廟在臨潼縣西

十里斜口鎮西南

名山記

俗呼為烈神廟明成化時

知縣鏞奉詔建嘉靖己酉西安太守胡某重脩

本朝康熙四十年知縣趙于京脩並建享亭邑人張厥

問記

縣志

宋橫渠祠 舊在文廟東北明萬厯三十五年建後
圯

本朝康熙三十七年知縣趙于京因故察院地改建書
院以祀按伊洛淵源錄云橫渠再移疾西歸過洛
陽別二程行李蕭然至臨潼而歿蓋與弟御史戩
皆為二程所重關中學者稱二張焉門生挽車而

葬於郿則驪下乃告終地也故祀

縣志

李真人祠 在縣東南二十七里兩京道里記曰真

人名順興後魏時得道於此津陽門詩註曰順興

後周時脩道此山

馬志

附古壇廟

畦時在故櫟陽東北三十里史記秦獻公時

櫟陽雨金自以得金瑞作畦時以祀白帝晉灼曰

形如種韭畦時各一土封

雍勝畧

旌儒廟在縣西南

五里驪山下即秦之坑儒谷唐天寶中改坑儒鄉

名為旌儒鄉立廟有唐賈至所撰碑

馬志

天寶元年

改驪山為會昌山仍於坑儒之所立祠以祀遭難

諸儒

冊府元龜

粉榆社在縣東北十五里漢高祖初起

豐禱粉榆社後置新豐縣亦立此社焉

馬志

秦始皇

靈臺祠在縣東南一廟在縣東

宋敏求長安志

石甕寺即福岩寺 在縣治東南驪山石魚岩下有

天然石其形如甕以貯飛泉唐玄宗以為寺名其

西巖紅樓有玄宗詩真草八分書每句一體壁上

有王維山水畫

馮志

開元中以華清宮餘材脩繕佛

殿中玉石像皆幽州所進與朝元閣道像同日而

至精妙無比叩之如磬餘像皆楊惠之手塑脫空

像皆元伽兒之製能妙纖麗曠古無儔

唐詩注

寶雲寺

在縣東三十五里本名慶山寺唐武后建

有緣閣複道而上德宗時改

馮志

隋開皇中號靈巖

唐會昌五年廢咸通六年再置名鷲嶺寺宋太平

興國六年改持國寺

縣志

孝村寺

在縣東北以村有孝行者名

馬志

轉輪寺

在戲河里

賈志

興唐寺

在東梁里

縣志

三門樓下吳畫神東般若院

楊廷光畫山水西院韓幹畫一行大師真徐浩書

讚又有吳生周昉絹畫中三門內東西偏兩壁尉

遲畫殿軒廊東面南壁吳畫

歷代名畫記

莊嚴寺

在櫟陽東南

賈志

靈泉觀即華清宮

晉天福中改賜道士故以觀名

今有東西二菴

縣志

太元觀 兩京道里記曰唐武德二年置在驪山下

溫泉宮畔開元二十七年以宮牆逼近失於肅敬

乃令諫議大夫道士尹愔徙之今在宮北一里

縣志

白鹿觀 在縣西南十五里山上有昇仙臺澹井唐

高祖武德七年幸溫泉見白鹿因以名觀宋加封

神德洞天有白鹿書院陳搏撰碑

縣志

靈臺觀 在零口鎮北兩京道里記曰天寶初供奉

睦霞奏置

馮志

翊唐觀 在櫟陽鎮粟邑廟舊圖經曰觀內昔有寇

尊師白日上昇

縣志

老母殿 在驪山峰上舊止一間內有授經碑順治

中黃冠傅姓者始大建今閣北潁邑城閣後肖奎

星像天半文明稱巨觀勝槩云

縣志

附古寺觀 靈泉觀本華清宮祿山亂後天子罕復遊唐

末遂皆圯晉天祿中改為觀賜道士居之

雍勝

降

聖閣天寶七載十二月戊戌聖神元元皇帝降見於華清宮之朝元閣乃改為降聖閣改會昌山為

昭應山封山神為元德公仍立祠宇以時祭享

冊府

元龜

山之半平坡朝元閣舊建於此又上二里為老

君殿舊云老君見於朝元閣南玄宗於其處立降聖觀琢白玉石為像今尚存殿壁繪唐從臣之像

殆當時人手筆

明都穆遊驪山記

高陵縣

三皇廟 在距河門外三里宋元時建明成化年重

脩

賈志

漢景帝廟 在縣西南鹿苑原上明代頻遣官致祭

賈志

距城二十五里

縣冊

龍王廟

在縣治南門

縣志

東嶽廟

在通遠門東

賈志

明隆慶元年建

縣冊

鹿臺神廟 在縣西南三十里鹿苑原上佐軒轅破

蚩尤者又旁有雷石風洞俗名雨磨禱雨多應元

同州學正蕭逢春有記

賈志

晉文公廟 在通遠門北公為公子時出亡在秦秦

康公送至渭陽作渭陽篇故有廟

賈志

距城五里

縣志

齊大夫廟 在接蜀門西南為宴村社人所祀相傳

嬰之故里按史記嬰齊萊夷人故里之說無據或

者出使在秦秦人慕其賢而立祠歟

縣志

距城五里

縣志

關帝廟 在接蜀門外殿額元學士蕭顗所書明弘

治初重脩教諭高壽有記

縣志

后土宮

在縣東關明成化十一年重脩殿後有湫

池禱雨禳疾者咸取焉呂柟撰其碑曰高陵后土

宮

縣志

涇野嘗與門人講學改為雲槐精舍

賈志

副使

何景明有詩正德間重脩涇野撰記

馬志

唐鄭國魏公廟 在接蜀門西南十五里窰子頭徵

魏州曲城人而高陵有魏綸者金進士也自言為

徵後嘗起祖塋於降駕原原去窰子頭甚邇徵廟

所自来歟蓋徵卒陪葬昭陵其子孫遂籍馮翊未

可知也

縣志

上騎都尉馮公祠

在縣西南七里祀唐馮本額曰

護國西齊王廟俗曰府君廟有周朝隱撰紀孝碑

賈志

西平王李公祠

在迎翠門南十里渭橋北百餘步

即墓前祀唐李晟大學士裴度撰碑柳公權書春

秋致祭

賈志

劉公廟 在接蜀門西二十五里彭城開南祀唐縣

令劉仁師有劉禹錫撰去思碑縣志仁師令高陵奏

興水利民德之立祠府志

呂文簡公廟 在縣北祀侍郎呂柟賈志

附古祠廟竹林廟在許村西祀寇萊公馬志楊文康公祠

在縣東南二陽寺前公高陵人馬志

崇皇寺 在縣西南申村唐初置宋太宗賜額相傳

漢薄姬妊文帝而出宮至此栢下誕生文帝俗傳

唐明皇兩幸於此又名重皇寺內有閣當重丘之上夏月居之不暑曰納涼閣宋种師道令高陵時其友輞川居士石君倚餞師道至此有題縣尉少

華趙天祐有詩

縣志

隆昌寺

在縣西毘沙鎮宋太宗勅賜名額寺中有

塔呂涇野嘗題詩於壁

縣志

莊嚴寺

在縣西許村一名旗杆寺

賈志

有宋慶厯間

利公和尚碑記

縣志

竹林寺

在許村隣於寇萊公竹林故名

賈志

內有宋

常安民碑刻

馬志

慧濟寺

在縣西北十五里元大德元年僧了達等

建紫宏太師建塔教諭張希顏撰銘

縣志

清真寺

在縣南渭橋元至正年建

賈志

興國寺

在縣西門內

賈志

明正統元年謙守一建

縣志

祐元觀

在縣治城隍廟西明景泰元年建

馬志

一作

又元觀建自正統元年

縣志

清真觀 在縣東南二十五里吳村呂涇野有重脩

碑記內有白雲洞

賈志

西魏文帝嘗遊過觀觀中石

槽水常盈飲隨駕馬千餘匹不減升斗異而問焉

主觀對曰臣有飲馬珠故不竭遂獻珠勅建此觀

按賈志洞觀
分載今併入

昭慧院 在迎翠門東南三里陳楊村唐大中年建

以其在咸陽渭陽涇陽東北又曰三陽寺其塔比

隆昌寺塔尤崇竦呂涇野馬谿田皆有重脩碑記

縣志

附古
寺觀

崇興寺縣西五里

習靜寺在李趙村

府志慶

安尼寺縣西南十里 正道觀縣北十三里 法

隆院縣南十五里

長安志

鄂縣

禹王廟

在縣治東

馬志

胡公廟

在縣西南七里祀陳胡公

縣志

太公廟

在城東北隅知縣張宗孟建

賈志

東嶽廟 在縣西姜泉里

縣志

霍光廟 在縣東十里金山

縣志

永平二年十一月詔

京兆右扶風以中牢祀霍光

東觀漢記

關帝廟 一在西城一在南關

縣志

李靖廟 在縣東南二十里

縣志

程明道祠 舊在縣治南明弘治二年巡按李瀚建

翰林學士王鏊記

馮志

本朝康熙年知縣金廷襄改建於縣治北王心敬有記

縣志

草堂寺

在縣東南四十里圭峰下後秦姚興弘始

三年建西僧鳩摩羅什譯經之處什死焚之其舌

不壞有塔存唐改棲禪寺

馮志

棲禪寺即所謂草堂

者也姚秦時鳩摩羅什自西竺來爾時未有寺為

樹草堂譯經其中其後建寺始定今名而俗猶呼

草堂寺云前殿畫壁甚古西南為鳩摩羅什葬塔

有亭覆焉前朝詩刻甚多獨金趙閑公詞翰為盛

明道先生詩註云寺在竹林之心其竹蓋將十頃

乃今根株盡矣獨寺後銀杏四株上薄霄漢亦百

年外物也門外諸峰蒼翠如畫

王九思遊終南山記

近今殿

宇多圯重脩佛殿五楹稍復其舊

縣志

羅什寺 在縣南五里羅什堡寺內樹二株葉如掌

實如黃壤名淨土樹

縣志

俗傳鳩摩羅什憩此覆其

履土遂生茲樹二月開如楊花八月結實如小栗

殼中皆黃土

馬志

道安寺

在鑿齒村晉釋道安與習鑿齒遊其地

賈志

雲際山大定寺

在縣東南晉魏武之始有李順興

者隱居此地誦金剛經聚疊瓦塔以記經數至隋

大業中乃以此地賜駙馬尉遲安為柴庄安嘗見

一老人素服謂曰此古寺地何不再葺之安遂置

寺因掘地得順興石像焉

賈志

隋仁壽元年為居賢

捧日寺宋太平興國三年改今名金大定中再葺

縣志

寶林寺

在縣南五十里紫閣峪唐太宗勅建尉遲

恭監脩寶塔高五丈餘內有湧鉢泉

賈志

重雲寺

在縣東南三十里太平峪口五代時建

賈志

寺南圭峰

在前如人拱揖

明王九思遊終南山記

梁開平五

年京兆僧智暉建時有祥雲疊出衆峰間遂名曰

重雲唐明宗賜額長興明正統年脩

本朝雍正四年重脩

縣冊

金峯寺

內有牛跑泉相傳老子過元關青牛乏飲

以蹄跑之其水湧出名牛跑泉

縣志

寺背山山下出

泉甃為井乃伏流佛座下至院亦甃為井復伏流

至門外達於平地為溪院僧利灌溉則閉井北口

上水由泉西緣岡南抵山下

明王九思遊南山記

唐時勅脩

明天順崇禎年三次加脩

本朝康熙年脩其下院有圓通大悲明羊新興四寺俱

在縣治東南

縣志

白雲寺

在縣城西南熊家堡

縣志

地近潞水廣十六

畝昔有祖師登臺說法水聲潺潺有礙聽聞師一

喝而水即入地伏流十里至羅什堡始見又臺下

白雲繚繞因以名寺明天順成化間重脩

縣冊

靈山寺 在縣東十里唐時有石佛從地突出高丈

餘因建寺有記明萬曆七年脩

縣冊

勝光寺 在縣治東北十五里唐建

本朝康熙二十五年脩寺內有黃龍洞

縣冊

丈八寺 在縣西十里元時土人掘得石佛高丈許

因名

縣冊

建福寺

在縣東北十里明成化二年建

本朝康熙六十一年脩

縣冊

洪覺寺

在縣西北二十里寺在渭澇之間水光接

天因名洪覺明天順弘治間重脩

縣冊

廣福寺

在縣西北十五里明正德間為福緣和尚

建

本朝康熙年脩

縣冊

大圓寺

在縣東南三十里紫閣峪杜詩紫閣峰陰

入漢陂蓋名勝地也建於明嘉靖乙卯以住僧大圓得名喬因阜有記萬厯間重脩

國初僧慧燈康熙四十二年僧大我兩次增脩殿閣雄

壯竹樹圍繞內多人題詠

縣冊

花原寺

在縣南二十里石井村明嘉靖萬厯間重

脩

本朝康熙三十九年繼脩

縣冊

元武寺

在縣東六里明萬厯五年脩

本朝康熙二十六年六十年兩次興脩

縣冊

中原寺

在縣北十里古名白雀寺即妙莊王三公

主修行處後因火焚碑版無存元延祐五年明景

泰三年俱加脩葺萬厯三十九年重脩改今名

縣冊

普明寺

在縣治沙河東岨距城十五里内有石佛

順治年脩康熙年重脩

縣冊

白虎寺

在縣西南十五里雍正七年脩

縣冊

明陽寺

在牛首山漢甘泉宮在此

賈志

屬玉觀

在縣治漢宣帝甘露二年幸萇陽屬玉觀

賈志

龍臺觀

在縣東北三十里有唐高祖壇十道志曰

上林有龍臺觀

縣志

志道觀

在縣東三十里洪武六年建

馮志

附古寺觀

古柏寺在縣界唐太宗建舊名安樂寺開元

間改安定洪武初以古栢名

華嶽集

白雲觀在縣治

南白雲山下

縣志

藍田縣

三皇祠

在縣北三十里祀華胥氏伏羲氏女媧氏

蓋伏羲女媧皆華胥氏所出故祀於故里

賈志

金山神廟

在縣南十里輞谷口金山之前舊圖經

曰黃帝時風后臧蚩尤之衆於此故立風后之祠

馬志

風后祠在城中

賈志

東嶽廟

在縣東街

賈志

康熙三十年脩

縣冊

龍王廟

在灞河西岍

賈志

嘉靖四十二年因水患建

府志

縣東南歪嘴岩上有大龍廟

縣志

關帝廟

在南門外明萬歷十七年楊培建二十二

年陳一夔三十一年王邦才重脩有記

賈志

其西關

及城西北隅各有廟

縣冊

荆軻祠

在縣北二十里

賈志

唐孫真人祠

舊在縣南十里輞川口明嘉靖二十

二年邑人榮宗別築於縣東白馬坡萬歷三十年

王邦才又拓大之給官地今北關外有祠

賈志按真人

名思邈唐高祖時隱於華原五臺山沒世秦境多祀之

王右丞祠 在輞川鹿苑寺

賈志

顏魯公祠 在藍橋明天啓六年知府鄒嘉生建又

置民地一十九畝為祭田在普化寨春秋致祭有

碑

賈志

韓文公祠 在縣東南九十里副使何景明有詩

馮志

一在北郭本湘子祠萬厯三十七年知縣梁一道

撤湘子像而肖先生像於中

縣志

晉公廟 一在縣東三里一在縣西三十里祀唐晉

公裴度

賈志

宋呂氏祠 在縣北五里舊無專祀明成化年即其

故地建祠仲春致祭副使戴珊有記後有芸閣寺

弘治中提學王雲鳳改為芸閣書院萬厯三十年

知縣王邦才重脩

賈志

尚書張士佩有重脩四獻祠

記

縣志

三呂祠

在縣西

賈志

明成化十九年巡撫阮勤奏藍

田縣有呂大忠大臨大鈞祠歲久淪毀乞脩治賜

祭下有司脩飾之呂氏兄弟歲一祭

名山藏

梁公祠

在東關公名一道嘉靖間任縣事歿後民

立祠而尸祝焉

縣志

附古祠廟

都神廟在城內會境諸神歲時饗於此

馬志

黃

崖神廟在縣東五十里傾谷口

馬志

虎侯山祠漢書

曰秦孝公置

馬志

濟衆侯廟在縣東南五十里倒回

谷神名石門將軍唐京兆尹第五琦楊知至此祈
雨有應至乾符中歲旱詔使致禱應時霑霈遂封

濟衆侯增葺廟宇後榜曰助順王

馬志

悟真寺 在縣東南二十里唐白居易有遊寺一百

三十韻相傳昔寺僧寫涅槃經羣鴿自空中銜水

漆硯

馮志 按賈志
載崇法寺即此

法華寺即法池寺 在縣南門內有唐左丞相張說

二法堂讚

馮志 按賈志
勝因寺即此

清源寺

在縣南輞谷有何景明詩

馮志

按唐書王維本傳別墅

舊在輞川地奇勝有華子岡歌湖竹里柳浪茱萸泝辛夷塢與裴迪游其中賦詩相酬為樂母亡表

輞川第

為寺

竹林寺

在縣東南三十里唐尉遲恭建明萬曆十

年脩

縣志

崇法寺

在縣東二十里明正統十四年建

縣志

本朝康熙三十八年脩

縣冊

祝國寺

在縣南二十里嶢山之巔建有浮圖明萬

歷八年脩

縣志

寶泉寺

在縣東三十里順治十年脩

冊縣

聖壽寺

在縣西十五里順治十年脩

冊縣

太平寺

在縣西三十里順治十二年脩

冊縣

豐盈寺

在縣東五十里康熙八年脩

冊縣

玉山寺

在縣東五十里康熙三十九年脩

冊縣

林泉寺

在縣南二十里康熙四十二年脩

冊縣

義和寺

在縣西二十五里康熙四十二年脩

冊縣

空寂寺

在縣東四十里康熙四十五年脩

縣志

石佛寺

在縣西南三十里康熙四十五年脩

縣志

秋林寺

在縣東三十里

賈志

白龍寺

在縣北三十里

賈志

里峪寺

在縣北三十里

賈志明弘治間脩

縣志

渠傾寺

在縣西南三十里

賈志

花藥寺

在縣西二十里

賈志

草堂寺

在縣南十五里

賈志

桐花寺

在縣南四十里

賈志

風王寺

在縣西南五十里

賈志

麻廷寺

在縣東南四十里

賈志

龍岩寺

在縣西北四十里

賈志

白鹿寺

在縣南十里

賈志

鹿苑寺

在縣南三十里

縣志

清泉觀

在縣東北五十里元至元二年建明洪武

二十五年重脩

馮志

玉山觀 在縣西北四十里元時建馬志縣東屏峰鎮

有玉山寺

縣志

太清觀 在縣東二十里

賈志

金蓮觀 在縣西北四十里

賈志

瑞雲觀 在縣東北三十里

賈志

碧天洞 在縣東南五十里藍橋樓閣數重俯臨峭

壁由石洞中盤折而上崑壑奇傑據一邑之勝每

歲春月朝香四方雲集

縣志

附古寺

永福寺縣西南三十五里

崇仁寺縣東北

四十里

長安志

涇陽縣

東嶽廟

在縣城東北邑人李錦有記

賈志

關帝廟

一在惠果寺北明隆慶五年邑人潘拱宸

等捐修有記

一在雲陽鎮王廷佐督建併記

賈志其

縣東二十里永樂鎮縣東北四十里魯橋鎮各有

廟

縣冊

孫真人祠

祀唐孫思邈在鄭白渠山上唐建

賈志

汾陽王廟

在東門內

縣志

魏恭襄祠

在儒學東祀明兵部尚書魏學曾

縣志

附古壇廟

雲陽泰畤孝武帝居甘泉宮即於雲陽立泰

畤祭於宮南

賈志

唐德宗廟在嵯山

縣志

唐宣宗廟在

陵前

賈志

涇河廟在瑞寧鄉

馬志

按漢書郊祀志

近咸陽盡得比山川祀

鄭國廟韓使開渠疲秦秦覺欲殺國

奏曰渠一成誠萬世利也遂赦後因建廟於洪口

堰

賈志

仲子廟在縣西北仲山高祖兄仲所居有廟

旱祈園此射獵風雨暴至

鄧太尉廟在縣南馬

村

賈志

龍泉廟縣西門外顯聖廟在廣吉鄉

五

齊廟在會仙鄉

白鹿廟在瑞寧鄉

長安志

暢公祠

在長街鎮明弘治初知縣暢亨開渠邑人建祠以

祀

賈志

正果寺

在縣西北十五里唐時古剎寺有佛藏全

部在內

賈志

宋元屢脩明嘉靖二十六年重修三原

馬理有記

縣志

法相寺 在縣東北三十里一名法相禪院內有宋

游師雄題畫碑及金人題咏并前賢分襟橋詩周

克新過師墓必下馬謁告師又有集賢書堂弘治

間涇陽茹通判起蹇知縣賢穆進士世傑三原劉

主事德學馬光祿理及高陵馬生世傑吉生士皆

先後講學於中

馬志

彌陀寺 在雲陽鎮北佛殿偉麗元時創建

賈志

文塔寺

在縣東南涇干塔高凌雲李少保敏肅公

必達建

賈志

惠果寺

在縣治西北本隋中興禪寺唐為大壺寺

宋元至明為惠果寺明嘉靖十四年重脩三原馬

理有記

縣志

內有尊勝幢二唐人書金剛經陀羅尼

經

賈志

洪覺寺

在縣西北三十里中有佛藏

賈志

明嘉靖二

十一年建

縣冊

興國寺

在縣西十五里雍正五年重脩

縣冊

石岩寺

在茹村

賈志

大興寺

在縣西二十五里雍正八年重脩

縣冊

馬村寺

在縣西十里濶大壯麗為一邑鉅觀

賈志

水佛寺

在縣北大李村

賈志

玉虛觀

在縣東北三十里一名猫槐菴

府志

宋真人

張夢乾飛昇於此邑人邢大信有記

縣志

北極宮

在縣西北金大定十年建

馬志

咸陽蕭貢有

記縣志

附古義原寺在縣西南十里東留村漢時建馬志振

錫寺在縣西北嵯峨山上唐元和七年建馬志長平

觀在縣西南漢建新莽時觀之西岸崩涇水不流

賈志

三原縣

后土廟在縣東北四十里唐村廟神泉谷中馬志本

名太寧宮唐時勅建宋慶歷四年梁棟重脩始建

是廟誠心所感致有祥雲瑞靄垂覆於地其後人

自宋慶厯迄金泰和初脩葺者四或稱為梁家廟

懷城王希哲有記

縣志

明嘉靖年地震圯壞隆慶庚

午社首申木等重脩殿宇道院有碑記崇禎年復

脩享賽絡繹為關中勝會焉

縣冊

東嶽廟 在北城內宋咸平年建真宗禱於岱而生

聖嗣後居民屢加修葺

本朝康熙四十年邑紳梁世勲倡衆重脩

縣冊

西嶽廟 在縣西北三里留坊里李村唐貞觀初建

劉侶重脩明崇禎元年馬子講劉芳重脩

縣志

元君廟 一在縣南門外一在丁留村俱明洪武間

修

縣志

其縣南廟

本朝順治九年邑人趙希獻有重脩碑記

縣志

真武廟 一在縣北永清坊明正統五年建一在縣

東十五里明永樂五年建

賈志

本朝康熙年重脩

縣志

薄太后廟 在縣北七里元至正年建明正德年重

脩

縣志

關帝廟 一在清河北宏道書院東廟有三絕謂塑

絕畫絕寫絕一在縣北二十里樓底鎮塑繪與河

北廟同一在縣西北三里東村一在縣東北二十

里武官坊

馬志

一在縣西南二里順治年建其在城

內者有三俱近代修葺

縣冊

三元廟 在縣治西關元泰定二年建明嘉靖間邑

尚書王承裕呂九經脩

本朝順治十一年張連斗住持張冲斗重脩

賈志

金山廟

在縣東四十里明洪武十年張克忠建

縣志

移山廟

在縣東四十里明永樂十年席仲成建

縣志

韓侯廟

在縣北門外韓侯見詩經俗呼為九郎

馬志

顯聖廟

在縣治內按碑記顯聖春秋伍負也唐乾

符三年詔司農姬晉卿齋錦繖賽湫重脩昭宗追

封晉濟王宋封靈濟昭佑顯聖王明萬厯年封為

靈湫大帝重脩

縣志

李衛公祠 在縣治西北祀唐李靖邑尚書王康僖

建少保温恭毅重脩內配祀左李公甫右馬雲巖

二先哲像春秋致祭

馮志

宋德祐初封李衛公祠為

輔世靈祐王元加忠顯威烈王賜廟額曰仁濟

見鄆

縣廟
碑記

二郎廟 在龍橋北安政坊元至正二十四年河南

行省右丞陳思道脩明正統七年兵馬指揮唐嵩

重脩

王傳舊志

內有班彥初大書道美及唐孫真人思

邈衛公李靖祠門外有王端毅公所立李衛公故

里碑又有王康僖公所立建忠郡碑

馬志

忠節祠 在縣治南至正二十七年縣令朱春夫

婦死節明嘉靖十四年建祠立碑題有元縣尹朱

公夫婦忠節之碑歲春秋祀碑文王康僖承裕撰

馬理書

本朝康熙四十二年知縣李瀛重脩扁其庭曰伉儷完

人馮

志

王太宰祠

在縣治西

賈志

祀端毅公恕

縣志

彰德祠

在縣治西明嘉靖二年勅建賜額曰彰德

祀尚書王恕春秋致祭

縣志

報功祠

在儒學左明萬厯年為太子太保溫恭毅

建春秋二祀有門人光祿少卿文翔鳳碑

賈志

忠烈祠

在縣治北明崇禎五年贈光祿寺寺丞原

任良鄉縣知縣邑進士党還醇在任殉難勅建歲

春秋二祀

縣志

附古祠廟

唐高祖廟在縣東北三十八里宋開寶六年

脩

府志

蕭何廟在縣西

府志

七郎廟在縣北四十里

府志

溫公祠在縣北街

府志

冀國公郝忠定祠在縣北樓

底內有謚議碑乃元中書左丞郝天挺之父

馬志元

帥楊子江祠在城內東北隅

王傳舊志

慶善寺

在縣城內隋開皇四年建明永樂十三年

何覺通重建

賈志

本朝順治五年邑舉人楊在階有重脩記

縣志

萬善禪寺 在縣北八里竇村唐貞觀初建明正統

至萬厯間屢脩邑進士雒昂記云唐元勳長孫無

忌齋沐之地太宗勅命創建今之樓底人傳為長

孫皇后膏沐所而里以長孫名

縣志

法華寺 在縣東三十里唐貞觀十二年建後僧圓

果增脩

王傳舊志

明正德年重脩

縣志

普覺寺 在縣東北三十里張村里唐貞觀年建明

成化年脩

賈志

隆國寺 在縣東二十五里唐貞觀年建累代重脩

縣冊

觀音寺 一在縣治西北二里為西觀音寺一在縣

治東北二里為東觀音寺其東寺唐天寶元年建

明馬光祿理白舉人霖秦知縣寧李知縣良心穆

御史相秦知府鎬講學於中其西寺元中統四年

建殿前有當時御製碑明王康僖及門人講學於

此馮志

按賈志東西二寺分載今本馮志併入

一在南門外唐太和年

建累代重脩一在縣東北三十五里元代建成化

年重脩

縣冊

金輪寺

在縣東北三十六里唐寶應元年建其東

為羅漢洞寺

馮志

洪武二十一年僧行遜重脩

王傳舊志

金輪寺在舊縣西

賈志漢洞寺

按賈志另載羅今照馮志併入

藏梅寺

在縣東三十二里唐時創建寺內有僧淡

祖師木像佛骨按舊碑文唐時黃巢應武試不第

寓寺內讀兵書與住僧淡善巢自曹州叛逆入寇
據長安親至其寺迎淡不從責以大義巢怒手刃
淡於寺內人憐之取其骨造木像貯之至今骨尚
存歲正月二十日里人爭取骨治疾愈復還骨像
內名為睡佛骨今碑埋沒不知其處

縣志

廣教寺 在縣東四十里金大定年勅建累代重脩

縣志

壽峰寺 在縣北三十里元泰定四年僧福苑建

賈志

明洪武年重修

縣志

文峰寺 在縣東南八里弘治元年建萬厯年重脩

縣志

金山寺 在縣東南四十里萬厯年建

本朝順治年重脩

縣志

法相寺 在縣東北四十里勅建年代無考明成化

年重脩

縣志

洪福寺 原在縣治洪武初即其地為儒學後於縣

北二十五里建寺仍以洪福名永樂十五年僧海

澄重脩

王傳
舊志

南小寺 在慶善寺東弘治間參政秦偉光祿馬理

講學於中

賈志

張村寺 在縣東北光祿馬理侍郎呂柟嘗講學於

此有倡和詩

賈志

積慶寺 在縣東北創始失傳內有古磚塔二級康

熙年間即於近地建寺後名積慶寺

縣志

大化觀 在縣東三十里有唐乾元通微道訣碑明

景泰間道士張志潔重建相傳真人飛昇於中

縣志

太清觀 在縣東五里元至元二十四年道士楊若

水建明洪武七年道士張文質脩

賈志

通元觀 在縣東北十五里樓底鎮明洪武年道士

劉宗道脩弘治嘉靖年屢脩

本朝康熙五年道士姚一臣等重脩

縣志

龍陽宮 在縣治龍橋北安政坊又名游岩宮相傳

為唐田游巖宅高祖所幸第也唐堊厚龍陽宮記
云其地勢前對終南後枕嵯峨峪水涇渠左右交
流為渭北勝地後以兵燹惟存正光二年石刻元
中統初邑元帥楊子江請天光白真人主之重構
殿宇元末復燬明重建增玉皇閣立碑記內有神
鐘形僅踰尺聲聞數里

縣志

附古
寺觀

雲寂寺在縣北二十里樓底鎮唐貞觀十四

年建

馬志

崇真觀在縣東北三十里宋清真冲妙先

生于元隱建內有陳搏至道先生于真庵碑記書

號七家體虞歐褚薛顏柳李也

賈志 按王傳舊志云今觀廢碑移

縣治前

盤屋縣

老子祠

在縣東南三十里

賈志

老子於此說道德五

千言授尹喜有說經臺又曰昇天臺華陽子錄記

秦始皇好神仙於尹喜先生樓南作老子廟晉惠

帝元康五年更脩時木萬株連亘七里給戶三百

供洒埽歷隋金元明屢有脩葺縣志高祖武德七年

十月丙子幸樓觀謁老子祠

通鑑

本朝康熙二十年知縣章泰重脩有記

縣志

尹喜祠在老子祠北

賈志

碑畧云真人姓尹名喜字

公文天水人涉覽山水於藍屋聞仙里結草為樓
精思至道後迎老君請著書以惠後世遂屏絕人

事著書九篇號關尹子

縣志

關帝廟在縣治學宮傍

縣志

白龍廟 在縣治廟後流泉足資灌溉每歲夏四月

祭祀康熙二十一年知縣章泰重脩有記

縣志

關西楊夫子祠 在縣治郝村金大光年震後裔建

王漢陂張仰山有記

縣志

趙元帥祠 在縣治元帥名公明周時人居趙大村

瓦子崗時黑虎為民害帥入黑水谷採薪遇之遂

擒虎土人建祠有生員趙魏碑記

縣志

唐仙姑祠 在翠峰巔俗呼青山娘娘廟

縣志

二公祠 在縣治西街祀明知縣宋廷琦

本朝知縣劉文燦

縣志

附古祠廟

文王廟在縣西南倉谷東

縣志

隋文帝廟在縣

東南五十里唐天寶三載建

府志

鄭公祠在東郭外

其左有趙懿簡公祠

府志

五柳祠淵明弟君秀為司

竹監淵明曾遊此為立祠

縣志

善勝寺 在縣治西宣化坊唐景龍二年建明永樂

六年重建

賈志

寶相寺 在縣東三里祁家寨唐名光耀寺宋太宗

時改今名

賈志

中興寺 在縣西南五十里黑水谷仙遊潭上有馬

融讀書石室即蘇軾及章惇題名處

馬志

竹林寺 在縣東十五里南司竹村元至元中建

賈志

僊遊寺

在南山寺西有塔

縣志

仙遊寺榜曰普緣蓋

此地故有仙遊宮俗因呼為寺名寺四面皆山黑水經流其門蓋輿區也殿前石塔塔下空中塑一

病佛側睡且死諸羅漢按摩哭泣籲禱備極情態
寺門西瀕水二石塔上刻吳道子畫諸佛像有東

坡題名

明王九思
遊南山記

黑山寺

在沙河南山下

縣志

樓觀 在縣東南三十里本尹喜之居有草樓焉後
人創立道宮名曰樓觀唐岑參詩草樓荒井閉空
山關令乘雲去不還羽蓋霓旌何處在空餘藥臼
在人間

馮志

關令尹傳曰尹喜結草為樓精思至道

周康王聞之拜為大夫以其樓觀望故號此宅為
闕令草樓觀即觀之始也一云周穆王尚神仙因
尹真人草樓在終南山之陰召幽逸之人尹軌杜
冲謂之道士居於草樓之所號草樓觀王海玄宗開
元十年四月帝夢京師終南山趾有天尊之像求
得之於盤屋樓觀之側冊府元龜樓觀紫雲樓兩層其
上為玉皇像北面其後灰壁南面為山水人物畫
蓋甚奇非今人筆也明王九思遊南山記唐高祖自以系出

老氏玄宗尊玄宗皇帝詔改樓觀為宗聖觀宋端拱三年詔改順天興國觀元中統元年改為宗聖宮明萬厯間有道士姬東坡者善鼓琴講南華經多自悟詩時出奇句上嘉其恬寂錫道經二藏龍旂御仗幢幡十六及瑞蓮圖併勞以璽書縣志前為四子堂及文始三清二殿再進則望氣樓其右殿曰景陽有丹井左殿曰寶章後為宗聖宮宮後林莽翠繞有臺據高岡之上曰說經臺元至元二年

重脩樓殿凌空金碧溢目住山石廷玉有圖并記

縣冊

會靈觀

在縣東唐玄宗時建明末兵燹碑記猶存

縣志

開元二十九年帝夢一真容云吾是汝遠祖吾

之形像可三尺餘在京城西南一百餘里汝但遣人尋求吾自應見帝覺即命使兼令諸道士相隨於京城西南求訪果於盤屋縣東南山阜間乃遇真容迎到便於興慶宮大同殿安置

冊府元龜

此觀即

遇真容處

賈志

太平興國觀

在縣東三十里終南鎮宋蘇軾作上

清詞即此

賈志

宋太宗以年號名宮今俗呼雪樣宮

日久傾圯至明潼關道張宗孟重建舊有碑記

縣志

有神降於盤屋民張守真家守真為道士即所居

創北帝宮太宗嗣位真君降言有忠孝加福愛民

治國之語詔於終南山下築宮凡二年宮成宮中

有通明殿題曰上清太平宮如真君預言祀神之

夕上望拜興國六年十一月壬戌封神為翊聖將軍大中祥符七年加號翊聖保德真君凡真君所降語帝命王欽若編為三卷九年十月己卯上之

玉海

太祖神御之殿鳳翔上清太平宮

宋史禮志

遇仙觀 在縣甘河鎮王重陽於此監酒稅有二人時來飲酒一日二人亦邀重陽飲於甘河以瓢酌甘水即良酒也遂醉飲而別重陽由是棄家而學老子之道門人於此建觀曰遇仙

馬志

重陽宮

在縣東六十里

賈志

地名舊為劉蔣村今為

祖菴鎮元翰林劉祖謙記云師咸陽人姓王名誥

字知明重陽其號金正隆間遇至人於甘河後於

南時村掘地為隧封高數尺居三年復自寶之遂

遷於劉蔣村成道時門人建殿號祖師菴元季門

徒道衆會葬祖師重陽真人興建殿閣名重陽宮

又有勅藏御服碑王重陽手書如夢令碑明知縣

鄭達所書蘇武慢詞碑今寶之

縣志

附古龍興寺在縣西一里唐開元十二年置崇

明寺在縣西一百步唐元和十四年置為瑞先寺

大平興國三年改

宋敏求
長安志

渭南縣

三皇廟 一在縣東北二十五里創建無考

本朝康熙九年重脩一在縣東二十里明成化元年建

嘉靖十年脩

本朝雍正五年重脩

縣志

西嶽廟

在武定里

賈志

工部郎中劉汝靖撰碑

縣志

關帝廟

在縣治東其五指山襟酒門帶渭門各有

廟康熙四十二年知縣黃培俱重脩其縣東北縣

西北又有廟五俱經近年脩葺

縣冊

龍王廟

在上漲鎮祀渭河神一在羊河祀羊河神

縣志

太白廟

在縣西北二十里天啟元年建

本朝康熙五十年重脩

縣冊

董仲舒祠

在縣東北董村

賈志

明萬厯間諸生王之

佐重脩邑令徐吉有記

縣志

距城五十里

縣冊

蔡孝子祠

在縣城東祀漢孝子蔡順明萬厯間巡

按傳振商汝南人也與順同里過渭展墓遂令知

縣徐斗中建祠以妥之今孝子里有順墓在焉

縣志

周處廟

在倒獸谷口離縣五十里世傳處殺白額

虎于此又傳赤水即處斬蛟地也水盡赤一祠在

胡村

縣志

元順帝至元三年封晉周處為英義武惠

正應王

續文獻通考 按晉史虞宜興人今宜興有長橋即斬蛟處此地似無其事但晉元

康中氏人齊萬年反處督兵西討授命死事大節凜凜秦人壯而思之因立廟于谷口并收骸骨藏之廟中殺虎斬蛟應是處少年事其云故蹟不無附會

馬周祠 在縣東十里官路南按周博州茌平人事

唐太宗官吏部尚書當時勸太宗勵精節儉澤被

羣黎故其祠至今猶存

縣志

裴晉公祠 舊在縣治西闕明嘉靖間移置闕外官

路北萬厯中知縣張棟增脩

縣志

公河東人其苗裔

散在四方渭獨居多因立祠

賈志

與萊公並祀額曰

二公祠

本朝順治八年孫尹熿增祀蔡孝子王節度白樂天更

名五賢祠

縣志

韓文公祠

在縣小里村

賈志

離城十五里

縣志

寇萊公祠

在縣北五十里下邽鎮係公故里公諱

準謚忠愍

賈志

舊有旌忠碑宋叅知政事孫抃撰今

頽廢明少師楊一清有謁祠詩其一在棠村里

縣志

少保蒲弦南公祠 在西關祀明吏部尚書南企仲

禮部尚書王鐸有記

縣志

忠烈高平楊公祠 在西郭門內街南祀明知縣楊

暄副使李棠馥有碑記

縣志

附古壇廟 密峙在縣西南二里秦宣公作以祀青帝者

今其址猶存

雍勝畧

三賢祠在儒學明倫堂東南祀

白居易寇萊公白敏中

馬志

白樂天祠在縣東北紫

蘭村乃白故里

賈志

清涼寺

在縣大王村有塔後唐天成初建運使王

澤有詩

縣志

一在縣東北四十五里明隆慶二年建

本朝雍正元年脩一在縣西南二十里明天順年建萬

厯年脩

縣冊

慧照寺

在縣北四十里下邳里宋咸平二年建大

觀元年脩明嘉靖三十四年重脩內有塔塔下有

萊公像

縣志

靈臺寺

在靈臺山上宋仁宗曹皇后建

賈志

保寧寺 在縣東一里明洪武十七年建馬志萬厯四

十年脩

本朝雍正十年重脩縣冊

迎祥寺 在縣北七十里志道里舊名寶豐寺明天

順二年重脩勅賜今名弘治正德年繼脩縣志

廣積院 在縣東北三十里明天順四年建

本朝順治六年脩雍正三年重脩縣冊

開元寺 在縣東北二十五里明成化十年建

本朝雍正元年脩

縣冊

大覺寺

在縣東北二十里明萬厯四十二年建

本朝雍正七年脩

縣冊

龍興寺

有三俱明代建一在縣東北十里

本朝雍正九年修一在縣正北二十七里雍正七年脩

一在縣東北七十里康熙二十一年雍正七年繼

脩

縣冊

元德觀

在縣東北三十里明洪武元年建

本朝康熙五十年脩

縣冊

聚仙觀 在縣東北四十里明天順元年建

本朝雍正三年脩

縣冊

昊天觀 在縣南四十里明天順二年建

本朝康熙四十年脩

縣冊

清真觀 在縣西南二十里明崇禎乙卯建

本朝康熙四十二年脩

縣冊

瑞泉觀 在縣西南五里觀內有泉四時不涸故名

馬志上有秦女峰唐岑參詩云秦女峰頭雪未歸即

此又上有朝元洞泉懸流百丈取水禱雨輒應縣志

明天順三年建嘉靖十二年脩縣冊

泰寧觀 在縣東南二里宋大中祥符四年建馮志

附古寺觀慈雲寺在縣城內本唐啓休寺元和中置後

改今名 建明觀在縣西三十里後魏普泰元年

置今廢宋敏求長安志

富平縣

薄太后廟 在縣西北八里

賈志

龍淵廟 在縣南二十里祀漢武帝

賈志

關帝廟

在縣治西

縣志

康熙十九年重脩

縣冊

東嶽廟

在縣東門外

賈志

康熙三十六年重脩

縣冊

西嶽廟

在縣西連城內

賈志

迤山廟 一在縣西南二十五里一在縣東演武場

右

賈志

迤者迤邐意也縣南荆山由嵯峨六峰巡麓

而東延數百里郡縣志曰迤山在富平西南二十

五里為秦襄割地界處

縣志

太白廟 在縣流曲鎮

賈志

秦王翦廟 在縣北六十里其一為頻山神廟在縣

北三十五里亦祀秦王翦

馬志

錦屏山上有王翦廟

賈志

後漢梁統廟 在縣東四十里

馬志

鹹泉廟 在縣東十五里

馬志

丁溪廟 在縣東三十里

馬志

唐李光弼祠 宋皇祐年建邑令王哲毀赤眉祠為

之明萬厯間知縣劉允重脩

縣志

張太宰公祠 在縣治東北明嘉靖初表彰忠義統

以死靖難節得祀尚書唐龍有記

賈志

楊忠介公祠 在縣治西祀御史楊爵

馮志

明隆慶初

言官謂爵以言事逮獄宜有優卹詔進光祿少卿

仍祀之知府羅惟垣撰碑知縣劉允有捲亭石刻

文雖遵有記

縣志

孫恭介公祠 在縣治內祀尚書孫丕揚

賈志

劉公祠 在縣東演武場左明萬厯間知縣劉兌開

玉帶等渠以利民故祀

賈志

附古祠廟

高禰祠在靈泉山巔

縣志

後魏文帝廟在縣東

三十里

府志

後周文帝廟在縣北十八里

府志

八龍院寺

在縣東三十五里神光祖師說法八龍

聽講處有塔半截斜立不傾俗名半截塔

賈志

雍正

五年重脩

縣冊

靈薦寺

在縣北橋頭北周高祖武帝成陵薦靈之

地有石人石羊在

賈志

距城十里嘉靖十六年重脩

縣冊

顯慶寺

在縣西南十五里開元年建

賈志

普寧寺

在縣北唐開元僧銑建

賈志

距城三十里

縣冊

盤龍寺

在縣西北二十五里金大定年建解元劉

士龍著述其中有年年老却盤龍寺不覺春光變

柳條之句

賈志

普淨寺

在縣東北四十里金大定年建

縣冊

玉泉寺

在縣東北二里金大定年勅脩有交龍碑

字泐無考

縣冊

卧龍寺

在縣南五里金大定年勅建有交龍斷碑

縣冊

元靈寺

在縣西北三十里洪武六年建

縣冊

聖佛寺

在縣西三里創始失傳嘉靖二十三年重

脩有釋迦如來第十六所真身舍利寶塔

縣志

大雲寺 在縣東北六十里萬厯十二年重脩

縣志

清涼寺 在縣東二里康熙二年重脩

縣志

瑞蓮寺 在縣東一里康熙三十五年重脩

縣志

長春觀 在縣西北三十五里元至正年道士洞講

建

賈志

玉宸觀 在縣東北六十里順治十七年重脩

縣志

棲雲觀 在縣北三十里

賈志

附古
寺觀

善慶寺在縣北流曲鎮

馬志

靈感寺在縣西一

里按一統志金時建即古聖佛寺遺址

馮志

行營都

統王鐸將兩川興元之軍屯靈感寺

通鑑

醴泉縣

五帝祠 在縣北八十里祀五行

縣志

唐太宗廟 舊在縣東三十里宋開寶六年重建李

營記金天眷元年重修唐慶記廟前有石刻昭陵

圖記六駿圖像唐太宗御製六駿贊薛岡撰六駿

圖跋宋游師雄有二圖題跋元末兵燹明萬厯間

知縣姚燭移建縣城南崇禎五年署縣范文光增

建獻殿有碑記

縣志

太祖朝嘗詔修先代帝王祠廟

今太常禮院重定配享功臣唐太宗以長孫無忌

房元齡杜如晦魏徵李靖配廟在京兆府

揮麈前錄

關帝廟

在新城東街

賈志

其老軍營并大漢舊縣南

寧史德等村俱有廟

縣志

仙人祠

在縣東北八十里

賈志

龍王廟 在縣北四十里良馬村深山碧澗內有龍

潭歲旱遠近祈禱輒應

縣志

一在城南三十里三陳

村一在城東五十里范寨一在城北四十里東庄

村

縣冊

東嶽廟

在縣東郭外一里

賈志

明成化三年重修邑

人韓朝江劉永撰記

縣志

一在縣南十里小陳村

縣冊

天齊宮廟

在縣東北八十里

賈志

真武廟

在縣東三十里舊縣村廟有嵐丹

縣冊

元君廟

在縣北一里有湫水旱禱神應

縣志

康熙三

十五年重修

縣冊

顯聖廟

在縣治東南十五里即湫池廟一在縣東

楊范村元至大年重修達嚕噶齊鄂囉有記

縣志

其

范寨村索村曹村俱有廟

縣冊

火神廟

在縣東三十里西張堡祀祝融

縣冊

甘羅廟

在縣東北二十里

賈志

附古祠廟

唐肅宗廟在縣北三十里

賈志

翁仲石獅猶存

縣志肅宗以苗晉卿裴冕配廟在京兆府揮塵要冊前錄

廟一在市北一在市西二十一里一在縣西北三

十五里馬志

廣濟寺 在縣東北二十里有唐刻石鼓經咒賈志金

大定三年重脩縣冊

新時寺 在縣南十里新時村有唐刻石幢賈志

南豆盧寺 在縣北三十五里賈志

北豆盧寺 在縣北四十里有唐刻石幢經咒賈志

本朝康熙三十五年重脩

縣冊

香積寺

在縣東五十里薄太后村寺後有塔

賈志

本朝康熙十八年重脩

縣冊

上柴寺

在縣北五十里上柴村

賈志

保安寺

在縣治北洪武十五年建

馮志

澄心寺

在縣東北二十里吳村成化五年建

縣冊

文明寺

在縣南街成化十年重修內有塔一座

縣冊

靈喜寺

在縣東十里張里村正德十六年建

縣冊

應喜寺

在縣東十里王店村嘉靖四十一年重脩

冊 縣

慈濟寺

在縣北二十里乞都村順治二年建

冊 縣

埕底寺

在縣東北五十里埕底村順治三年建

冊 縣

廣通寺

在縣北十五里故縣村順治五年建有碑

冊 縣

銅泉寺

在縣北四十里石泉村順治八年建

冊 縣

龍泉寺

在縣北十里黃付村康熙二年重修

冊 縣

超覺寺 在縣東二十里晏村康熙五年重脩縣志

智勝寺 在縣東北四十里白村康熙二十年建內

有二塔縣志

安樂寺 在縣東二十里雍正五年重脩縣志

水平菴 在縣治內賈志

附古寺觀石佛寺二一在縣東南上寨村一在縣東北

新寨村府志瑤臺寺在縣東北昭陵之西宋敏求長安志洞

真觀在縣東十里府志紫府觀在縣北二十里府志

延安府

社稷壇 在府城北附郭不置各縣如制

府冊

風雲雷雨山川壇 在府城南附郭不置各縣如制

府冊

文廟 在城北雍正元年改啟聖祠為崇聖祠追封

孔子五代王爵各縣學如制

府冊

先農壇 在東郊各縣如制

府冊

關帝廟 在城東雍正三年追封關帝三代公爵供

奉後殿歲春秋廟祀以太牢各縣如制其一在西

山下

府冊

文昌閣 在鳳凰山頂層樓一座范文正公所建名

曰鎮西挿雲逼漢以作一方保障內繪文昌聖像

本朝順治十年知府陳培基進士趙廷錫修有序康熙
十八年知府陳天植重修其魁星閣在嘉嶺山摘

星臺上趙茂允張維藩等建

府冊

八錯廟 在府城東南一里康熙四十三年知府孫

川建有記各縣如制

府冊

旗纛廟

在府城南鳳凰山下

府冊

城隍廟

在府治西北鳳凰山下膚施縣另有廟在

東關太和山下雍正四年紳士趙伯蒼等重修知

府吳瑞有記各縣如制

府冊

郡厲壇

在府城北各縣如制曰邑厲鄉保曰鄉厲

府志

名宦祠

在學宮左雍正五年知府吳瑞捐修各縣

學如制

府冊

鄉賢祠

在學宮右雍正五年知府吳瑞捐修各縣

學如制

府冊

忠義孝弟祠

在學宮內雍正元年建各縣如制

府冊

節孝祠

在學宮外雍正元年建各縣如制

府冊

膚施縣

五龍廟

在城水門外漢宣帝時建

賈志

東嶽廟

在嘉嶺山

賈志

相傳范文正公遺址也

縣冊

真武廟 在東關太和山頂石級累千有三天門陟

之者置身峻絕

府志

五嶽廟

在清涼山腹

賈志

司訓萬一貫重脩

府志

黑龍廟

在東關五龍山下廟旁有泉因泉求神塑

像專祠曰黑龍廟取北方象水之義雍正四年春

夏連月不雨知府吳瑞虔禱神應乃捐修廟宇並

為之記

府志

韓范祠

在城東關祀韓忠獻公范文正公知縣范

光遇重脩基址漸被水衝雍正四年知府吳瑞改

建有記

府志

明嘉靖二年詔修宋臣韓琦范仲淹祠

于延川命翰林院擬祠額有司歲時致祭從都御

史姚鑠給事中張原奏也

世法錄

五賢祠

在城西山之阿祀宋周程張朱五賢

府志

袁湘廟

在府南元延安都總管袁湘有惠政故祀

馬志

洪公祠

在太山祀明知府洪濟遠

賈志

許公祠

在城南關祀明知府許明陞

賈志

馬公祠

在城南關祀明知府馬呈秀

賈志

董公祠

在太和山祀明知縣董直愚

賈志

蕭將軍祠

在城東十里靜因菴祀明延綏鎮守蕭

如薰

賈志

楊太保祠

在城北察院前祀明兵部尚書楊兆

賈志

張公祠

在嘉嶺山祀明副使張廷玉

賈志

趙太保祠

在城內祀明兵部尚書趙彥

府志

阿姑聖母祠

在城北關外

賈志

趙廷錫建神為保安

何氏女甚靈應延境多祀之

府志

龍達寺

在城南二十里係勅建年代無考宋乾德

間修

本朝康熙七年重修

縣冊

萬佛寺

在城東清涼山大小石佛萬餘多金元舊

碣相傳尸毘佛修行于此忽有鷗逐雀墮尸毘座

下尸毘憫其饑割膚肉飼鷗乃去

馮志

內有僉事伍

福詩

馬志

本朝康熙乙亥年修

縣志

延州天山之巔有奉國佛寺庭

中有一墓世傳尸毘王之墓尸毘王出于佛經大

智論言常割身肉盡今天山下有擢筋河其縣為

膚施縣慶厯中施昌言鎮鄜延壞奉國寺為倉發

尸毘墓有枯骸尚完脰骨長二尺餘顱骨大如斗

并得玉環玦七十餘件

夢溪筆談

嶺山寺在府南一里嘉嶺山上金大定九年建有

塔

馬志

明萬曆三十六年脩

縣冊

報國寺

在府南四十里金大定九年建

馬志

龍鳳寺

在府南六十里元至正十八年建

馬志

歸一寺

在城北三里楊太保兆建

賈志

後為皈依寺

縣志

柳林寺

在城南十里卧虎灣中書李如崇建

賈志

本朝康熙四十一年脩

縣冊

安家寺

在城東四十里明嘉靖二十六年修至

本朝康熙九年三次重修

縣志

河交寺

在城東五十里

賈志

明嘉靖四十二年修

縣志

清化寺

在城東六十里

賈志

清涼山寺

在城東尸毘舊跡層巒疊巘殿宇璘峴

郡之勝槩

縣志

大通寺

在城南一里三台山下康熙九年修

縣志

慶真觀

在城西十五里宋政和元年建

馬志

紫極宮

在府東南三里宋元豐初建

明一統志

太一宮

在府東六十里元至正中建

明一統志

明淨洞

在三台山側康熙二十一年修

縣冊

雲居洞

在城北三里光祿丞趙章建石崖楊太保

書棲雲洞三字

縣冊

靜因菴

在城東十里明崇禎七年都督蕭公建

本朝康熙廿三年修總戎王令記

縣冊

安塞縣

關帝廟

在縣治東元大德中建後經寇焚

本朝康熙十七年知縣馬震捐貲重建

縣志

順惠王廟 在縣西五十里祀宋將李顯忠縣北十

五里亦有廟

本朝順治十六年大水廟宇牆垣悉付波流惟神屹存

甚著靈驗康熙十六年重修

縣志 餘詳見保安順惠王廟下

金蹄犢子廟 在縣南一百二十里古城南香林山

之凹昔有犢子出于石縫金蹄銀角因立廟

賈志

香林寺 在洛河川距縣一百二十里唐開元二年

建山勢陡峻怪石懸崖古栢森然產於石上其一
栢挺卷石而出石為之坼人以鐵束之五六月間
涼風逼人邑人郭指南讀書其上鐫其曲曰山之

阿

縣志

明成化十六年修

本朝雍正五年重修

縣冊

寶山寺

在城北八十里寺多牡丹稱為邑中遊賞

佳處其建無考明崇禎三年修

縣冊

萬壽寺

在南郭外明崇禎十二年修

本朝康熙二十二年重修

縣冊

石宮寺

在城西七十里康熙三十年修

縣冊

大佛寺

在城北八十里康熙三十四年修

縣冊

福巖寺

在城西六十里康熙四十四年修

縣冊

丹霞觀

在縣西十里元至正中建有碑

馬志

元孝子

王思聰故里

本朝順治十年修

縣冊

雲臺觀

在城北五里一峰孤峙二水遶流勢如削



成上祀真武及呂純陽像明洪武至正德間屢修

本朝康熙四十四年重修

縣冊

龍頭觀

在城東南半里康熙五十五年修

縣冊

附古寺

劍匣寺在縣治北五十里古洞臨崖院宇幽

勝攷碑記唐太宗偕李靖領兵征北番過高奴抵
龍安界土人奏大蟒為害太宗射蟒入石罅挽其
尾化為劍缺刀按劍磨之石為之虧宋元祐中建
寺于此均慶寺在縣西一里石鳳山上尸毘佛

剌肉啖鷹救鵠鵠飛止此因以建寺今石像碑記

猶存

縣冊

甘泉縣

關帝廟 在縣治北關三代祠因限于廟址供奉在

帝廟左雍正五年知縣吳敦儉捐脩一在南關知

縣趙汝梅建

縣志

龍王廟 在城外東南師和山明永樂年建

縣志

文昌閣 在城東南山明萬厯中建後圯

本朝康熙四十六年知縣姜朝勲校士課會重建樓閣

縣志

文殊寺 在縣治東唐大厯四年建宋開寶六年元至正十年明洪武永樂間俱重修有記

本朝亦有重修碑記

縣志

衆寶寺 在縣北三十五里唐大厯中建晉天福間重修紺殿峻嶒叢林極盛厯宋元明皆有增修碑記內有白牡丹銀杏樹相傳唐時遺種移植即枯

縣志

古谷寺

在縣東一百八十里其寺門木屑削成相

傳魯班遺跡

府志

谷神觀

在縣東七十里金泰和五年建

馬志

淨樂宮

在縣西二里太和山明嘉靖丙申邑人李

潤民夢帝降于山巔神帥羅列須臾驚寤遂卜址

構元天殿後建昊天閣聖母祠山門之內則有三

官樓經營之始其地忽見白兔衆以為神因額其

石坊曰玉臺至嘉靖丁未春落成焉

縣志

準提菴 在縣南十五里康熙六年知縣劉司李建

正殿三楹高臺石甃空其中為三洞四傍各起石臺諸像莊嚴菴外古栢陰翳垂楊環繞為一邑之

名刹

本菴記

安定縣

關帝廟 在城東一里與石宮寺對峙殿宇宏敞為邑鉅觀知縣丘雲肇建雍正五年重修王鴻薦有

記縣志

龍王廟

在縣治東川三里明時建樹林陰翳歲旱

禱雨於此知縣廖均增修其一在北門外名小龍

王廟相傳大旱時羣兒壘神龕於河中大石上禱

雨有應其後山水暴漲神龕歸然獨存土人竒之

故立廟

縣志

文昌祠

在縣治文筆山下山上亦有文昌閣

縣志

真武廟

在縣城西知縣徐彬建雍正八年重修其

一在楊家山

縣志

普濟禪寺 在城北二百里宋治平四年建金泰和

四年元至元二十五年俱重修明洪武十六年增

修有記

縣志

斜溪寺

在縣治東北六十里泰寧里背山面水左

崗右阜元延祐二年重修明洪武初改為廣教院

永樂正統間屢修嘉靖丙申復重修有記創建無

考

縣志

石佛寺

在縣東二里明洪武二年建

馬志按安
定志作石宮

寺即石宮

仙所造

龍泉寺即魏家寺

在縣東五十里豐樂里創建無

考明嘉靖六年脩

本朝康熙十九年雍正九年俱重修有記

縣志

中原寺

在縣東三十里瓦瑤堡

縣志

栢山寺

在縣北八十里

縣志

蕭寺

在縣東北一里

縣志

附古

觀 迎祥觀在縣東八里

縣志

保安縣

關帝廟

在城南門外天壽寺後

賈志

宋建明時重修

本朝康熙三十三年增修一在城東

縣志

太白廟

在縣西南太白山上禱雨有應

府志

龍王廟

在縣南八蜡廟前

縣志

真武廟

一在縣南四十里三台山創建無考

本朝康熙六年重修一在縣南九十里馬頭山明嘉靖

二十年建萬厯十二年重修

縣志

元帝廟 在縣西一百二十里金頂山宋建明萬厯

二十五年重修廟在山巘崇麗莊嚴四方祈禱響

應

縣志

順惠大王廟 在縣治東北九十里上有靈湫禱雨

獲應宋宣和二年建

馬志

祀宋將李顯忠其子二郎

廟在馬頭山之東封號波海其三子三郎廟在縣

東山

縣志

明英宗夢一金甲人嘗護衛問何人對曰

宋大將李顯忠也見居保安後勅封順惠大王命

保安安定安塞歲時致祭

府志

按李顯忠宋南渡後將因著靈於明正

統北狩得封馬志云
宋宣和二年建似誤

天壽寺

在縣南二里

馮志

明洪武五年勅建永樂以

後相繼增修

本朝順治十六年康熙四十九年俱重修

縣志

護聖寺

在縣治東

賈志

龍泉寺

在縣西南百里內有清泉

賈志

宜川縣

盤古廟 舊在城東南盤古山上後徙河清里郭家

庄在縣東南一百里

縣志

按地理坤鑑云盤古氏龍

首人身而今成都淮安京兆皆有廟祀事具徐整

三五歷紀及丹壺記

路史按京兆無盤古廟附考

關帝廟 在縣城北門內明洪武初重修

本朝康熙十八年復增修三代祠在後殿

縣志

真武廟 在縣城七郎山後洪武年修正德壬申毀

於兵燹乙亥年主簿賀賓等復建

本廟碑記

九天聖母殿 在城北九十里山冢村俗呼南九殿

雍正甲辰年修

縣冊

唐渾瑊祠

在縣城東南五里鳳翅山谷

馬志

唐封

咸寧郡王宋元豐中追封忠武王

明一統志

宜邑唐時

屬丹州咸寧郡即城封地也建祠後屢著靈異元

至正二十二年河東亂軍攻宜行中書省朱希哲

禱於祠是夜賊聞金戈鐵馬之聲詰旦遠遁二十

三年亂軍復屯邑東山麓入殿盜神袍鎧弓矢未
下階有聲若雷遂相率驚懼棄物而走城郭終保
無虞廟中有惠澤泉歲旱禱於此

本朝康熙四十四年知縣朱某因禱雨有應重修正殿

本祠
碑記

二賢祠 在縣城南明萬厯初年建祀宋儒胡安定

張橫渠兩先賢明知縣賈明孝有記

賈志

崇聖院 在雲岩鎮相傳造寺之始有神騎虎入峪

中亦名虎峪寺

賈志

宋建隆年建明永樂二十三年

宣德九年嘉靖二十三年俱經修葺有碑記

縣冊

隆興寺

在城南一里金皇統六年建明洪武二十

七年成化十七年嘉靖二十三年俱重修寺基周

圍三十餘畝肖像森嚴甲於諸寺

本寺碑記

按馮志作東門外

一里元元
統中建誤

壽峰寺

在白水川

賈志

縣東一百三十里金大定三

年建歲久頽廢明天順二年重建

本寺碑記

固州寺 在縣北一百五十里豐慶里延水川創建

無考

本朝順治十七年修

本寺碑記

神潭寺 今名慈勝寺 在縣東三十里加陽里秋林

鎮元至正十七年重修創時失考

本寺碑記

元因寺 在虎頭山下

賈志

城北一里明成化二十二

年僧延能修

本寺碑記

興龍寺 在縣北八十里雲岩里俗呼下虎峪寺舊

名薩河住持劉師重建改為靈泉唐神龍三年修

仍名薩河明萬厯三十二年僧修額曰興龍

本寺碑記

賈志作興

龍院似誤

興峰寺

在城內西街明白太監建

縣志

甘泉觀

在城西十五里相傳昔有二道人仙去

賈志

縣西四十餘里有川曰甘泉因以名觀元至元十

七年創建

本寺碑記

重陽觀

在縣西四十里明永樂八年建

馬志

嘉靖二

十八年重脩有御製碑記

縣志

白雲觀

在城內

賈志

坐落西街中祀老子由來已久

後因開街易觀地明萬厯二十九年重建有碑記

縣志

附古寺

佛光寺在平樂里

賈志

坐落縣北佛光村距城

一百五十里

延川縣

關帝廟

在縣治中街

賈志

明萬厯四十五年知縣李

廷薦建邑人石可久記三代祠在後殿

縣志

元帝廟 在城東南百步鑰匙山明嘉靖戊申年建

丁巳年修郝士光撰記

縣志

龍王廟 在縣東硯頭源一在縣東北

縣志

二聖廟

在縣治北

府志

清涼寺 舊在縣治西金大定二年建

馬志

古名石臺

寺在城北金貞祐三年勅賜今名元大德八年遷

城內西山上明弘治十六年知縣王彥奇以僧人

居高視下不便於民遷城南一里為朝賀習儀之

所正德四年知縣劉瑛增修教諭楊克敬記

縣志

雲壽寺 在縣治南一里元大德四年建

馬志

永壽寺 在縣西六十里劉家庄林壑幽靜峰巒拱

翠清溪曲折如帶因地形勢築小城圍之無事則

肅法門以禁雜沓有事則斂村氓以禦外侮明天

啟年建

本朝康熙四十一年僧德聰修

高鍾
嶽記

釋迦院 在縣東南七十里延水關枕山面水翠嶺

恒河稱為秦晉巨觀康熙十九年修

王守經記

南寺 在縣南一里

縣志

白浮圖寺 在縣南六十里寺前七塚相傳赫連勃

勃葬此

府志

長春觀 在縣治西元至正三年建

馬志

延長縣

后土廟 在縣北明永樂六年建

馬志

玉皇廟

在縣城西北翠屏山

賈志

關帝廟

一在縣後山上一在東門外

賈志

東嶽廟

在縣治東元至正中建

賈志

南山神廟

在縣南屏山之上宋大觀四年建

馬志

三官廟

在縣新城內

賈志

風伯廟

在縣南四十里

賈志

顯聖廟

在縣東三十五里多杏村祀伍子胥天旱

禱雨輒應

賈志

金大德三年加吳大夫伍員曰忠孝

威惠顯聖王

續文獻
通考

本朝雍正三年改封伍員應衛公以從浙江撫臣法海

之請也

縣冊

鄮侯廟 在縣西明正統十年建天順七年知縣宋

麟重修

馬志

府君廟 在縣東二十里嶺樹村

賈志

府君姓崔名子

玉祁州古城人仕唐為長子縣尹有異政沒為神

秦晉間多祀之

縣志

附古祠廟

髑髏廟在城東六十里髑髏山相傳古時戰

場收瘞白骨於此因置廟祀亦古恤國殤之遺意

也

賈志

廣嚴寺

在縣西三十里唐貞觀三年建萬厯四十

八年修

本朝康熙三十五年修

縣冊

太平寺

在縣治東創自宋明洪武永樂天順間屢

修萬厯間僧靜潭鑄金佛像

賈志

成化年僧覺性重

修邑人樊儀有記

縣冊

護國寺

在縣南五十里石跋山上

賈志

創自明成化

年

本朝康熙二十年修

縣冊

寶峰寺

在干谷驛東門外距縣七十里寺依山抱

水為邑形勝之地明代屢修有記

本朝順治年修康熙三十一年重修

縣冊

西方院

在縣西門外河西山麓翟水遶其北屏山

峙其東隔岸雉堞烟火千家四顧景色不減古福
地昔有僧真相因河水漲時渡者露立乃於渡頭
結茅為小憩菴後法弟性恒輩建寶殿一所始於
順治戊子歲三年而落成

本寺
碑記

勝因菴 在東門外石巖前鑿石洞塑諸佛像樓閣
壯麗前有二教大殿慧門禪堂無不具備明正統
六年僧香也建將軍蕭如薰等捐助有記

縣
冊

玉虛觀 在西城嶺金興定五年建明萬曆十一年

修縣志

皇慶觀 在縣東南五十里此地有玉皇石像古傳
牧童常聽石岩有鑿石聲石內若有人問曰開也
麼童應曰開忽山傾出石像後一夜各村俱夢人
借牛次旦家家失牛衆尋至石傾處見羣牛各卧
俱汗濕淋漓而石像立起或衆牛所曳也因立廟

賈志

本朝康熙三十五年修縣志

鳳翔府

社稷壇

在府西北一里附郭不置餘州縣如制

府冊

風雲雷雨山川壇

在府南一里明正德中知府王

江重修附郭不置餘州縣如制

府冊

文廟

在府治東南廟內有栢四株大二十圍傳為

東坡所植明時屢修見侍郎何棟記

本朝雍正元年改啟聖祠為崇聖祠追封孔子五代王

爵各州縣學如制

府冊

先農壇

在東郊各州縣如制

府冊

關帝廟

在府治北宋時建

本朝雍正三年追封關帝三代公爵供奉後殿歲春秋

廟祀以太牢各縣如制一在城南順治初賀賊犯

鳳殺掠甚慘圍攻八旗屯堡三晝夜瀕破忽賊首

賀珍云見神提刀立於堡門遂引衆去居民德之

加修廟貌又於康熙四十三年重修其城東城西

俱有廟

府冊

文昌祠

在府城內儒林巷一在府東一里

府志

旗纛廟

在千戶所後明洪武四年千戶王成建

府志

八蜡廟

在府城外餘州縣如制

府冊

城隍廟

在府治西北隅明成化間知府侯瓚李雄

繼修提學副使伍福有記萬曆三十九年知府張

枏重修自為記鳳翔縣另有廟在城東一里萬曆

六年修餘州縣如制

府志

郡厲壇

在府城西北一里餘州縣如制州縣曰州

厲邑厲鄉保曰鄉厲

府冊

名宦祠

在學宮左各州縣學如制

府冊

鄉賢祠

在學宮右各州縣學如制

府冊

忠義孝弟祠

在學宮內雍正元年建各州縣如制

府冊

節孝祠

在學宮外雍正元年建各州縣如制

府冊

鳳翔縣

三皇廟

在城內十字街明時建

本朝康熙十二年修

縣志

三公廟

在府東郭內祀周公太公召公附祀孔明

橫渠春秋致祭明萬曆十五年關西道苗淳然有

碑記

府志

太白山神廟

在府東門外太白巷宋建元重修

馬志

明崇禎間郡城秋旱撫軍汪喬年為文遣耆老登

山取聖水甘霖立霈

見會城太白廟碑記

護國顯佑廟

在府東郭三里

馬志

東嶽廟 在府東郭元至正二十六年建明成化六

年弘治三年重修俱有記

賈志

本朝康熙十年修

縣冊

三官廟 在府治西街

賈志

萬厯四年修其西關廂橫

水鎮各有廟

縣志

鳳女祠 在城南五十里其地有鳳女臺相傳秦穆

築以居蕭史弄玉者後人因臺作祠以祀

縣志

鄧艾祠 在府城北十里

賈志

橫渠張夫子祠 在府治東街

本朝康熙二十五年知府曹鼎望重修檢討李因篤撰

記

縣志

默齋先生祠 在府治東秦穆公塚後明成化十九

年巡撫阮勤為張傑建知州長平郭定有記

賈志

二郎廟 在府城東八里

賈志

附古壇廟 五時在縣南漢志云雍縣有五時水經注曰

雍有五時祠以上祠祀五帝 地神廟在雍山麓

每雨多於此發雲廟廢不敢修相傳建之則旱

縣志

靈山寺 在城西靈鷲山如來在此闡教說法大梵

天王獻金山娑羅花感天皇帝釋詣山聽法每有

慶雲異瑞在唐奉勅建修寺院賜號靈山淨慧禪

寺正統景泰間建修

本寺碑記

開元寺 在府城內唐開元中建有蘇軾文及詩

馬志

大殿九間後壁吳道子元畫自佛始生修行說法

至滅度山林宮室人物禽獸數千萬種極古今天

下之妙其識開元三十年云

開元見後錄

普門寺

在府東一里唐建金大定六年修明正德

八年重修有唐王維吳道子壁畫宋蘇軾遊普門

寺懷子由詩

府志

本朝順治十三年僧闌憨重修

縣冊

寶蓮寺

在府治北街唐李茂貞建明嘉靖年間重

修

賈志

羅鉢寺

在城西三十五里羅鉢村唐建

本朝順治元年修

縣冊

大金佛寺

在府治東元大德元年勅修世祖有疾

鑄金佛像高尺許重三十五斤準帝年數賜寺中

供養明洪武初像失永樂十六年賜僧錄司左覺

義副都綱善性住持正統初副都綱惠洪修成化

九年郡人霍瑄奏保北京慶壽寺僧大方領劄住

持本寺賜金襴袈裟大金佛寺額重修梵宇提學

副使伍福有記正德十三年僧湛聰重修有記

府志

寶昌寺

在府治東三里一名塔寺元泰定六年建

馬志

通靈寺

在府城內創建無考明嘉靖十一年重修

通判曹士奇有記

府志

大成觀

在縣東一里唐天復六年建元至正四年

重建明宣德六年修提學副使伍福有記

府志

景福宮

在城內東街宋元祐元年建明弘治十七

年修

府志

萬歷三十八年重修

縣志

天聖觀 在城內南街明時建

本朝康熙四年修

縣志

岐山縣

倉頡廟

在縣西南五里

馬志

舊在城南河之南明景

泰間知縣張緒宗重修因河崩嘉靖中改建河北

原上有記歲三月十六日記

賈志

今坐落徐家堡

縣志

郊禰廟

在姜嫄廟東

賈志

姜嫄廟

在周公廟後

賈志

夏禹王廟 在縣東北十三里

賈志

周太王廟 在縣東北五十里岐陽舊地創建無考

金重慶元年敷揚校尉楊德滋重修後圯誤傳為

赧王廟明正統間行人郭仲南過岐訪周遺址得

石碣乃知為太王廟知縣王澤重修仲南撰記

賈志

太姜太任太姒三廟 俱在姜嫄廟東

賈志

泰伯廟 在縣西北十里寇村

賈志

王季文王廟 一在縣東北四十里岐陽鎮西明正

統十四年重修一在太王廟側明嘉靖三十九年
申准春秋致祭萬厯八年關西道張應福重修有

記

賈志

周公廟 一在縣西郭街北內有三公像一在縣西

北十五里鳳凰山麓唐武德時建宋元祐元年重

修府學教授王嚴撰賦并序

賈志

一在岐山廟後舊

有泉久竭唐德宗大中間忽有五泉一時湧出賜

名潤德泉

雍勝畧

元文宗天厯二年建周公廟在鳳

翔府岐山之陽春秋祭奠如孔子廟儀

續文獻通考

其

縣西北十五里廟在岐山中山勢迴合古木蒼翠

左有太公廟右有召公廟宋時建洪武初重修

馬志

明成化十九年巡撫阮勤奏周公廟頽圯乞修治

并賜祭上令有司修治春秋二祭

世法錄

本朝康熙乙巳年李楷謁廟有記

縣冊

諸葛武侯廟 在縣南五丈原上元廉訪司副使郭

思恭記明嘉靖年知縣韓廷芳申准春秋致祭設

廟役一名推官范宗鎮有記

賈志

關帝廟

在縣治街北

縣冊

東嶽廟

在縣東郭街南

賈志

真武廟

在縣東郭街北

賈志

火星廟

在城內新街明嘉靖二十七年知縣劉漢

重修

賈志

三官廟

在城內東新街

賈志

太白廟

在城東十三里

賈志

耆閣寺

在縣東北四十里崛山上唐乾寧四年建

馬志

明嘉靖二十五年修石磴崎嶇巖洞峭絕春時

人多遊此扶風教諭楊一端記

府志

聖壽寺

在縣東北四十里社成村唐建

賈志

寶峰寺

在縣南一百五十里桃川內元至正中建

賈志

密嚴寺

在縣南四十里元至大二年建明洪武二

十四年作叢林

府志

太平寺

在縣治街北

縣志

實相寺

在城西南三里高家庄

縣志

青峰寺

在縣南一百五十里青峰山上

賈志

資福寺

在城西南五里庵營鎮

縣志

棲雲觀

在城南二十五里宋熙寧二年建元元貞

間修

府志

映陽觀

在映陽洞前元延祐六年建

賈志

長春觀

在縣東北十三里禹王廟側元至元十六

年建

府志

丹陽觀

即令狐菴在縣南三十里元至元中建

賈志

扶風縣

隋文帝廟

在縣東四十五里每歲春秋祀

賈志

隋高

祖以牛宏高頰賀若弼配廟在鳳翔府

揮塵前錄

關帝廟

在縣治儒學西三代祠在後殿

縣志

東嶽廟

在縣東一里

賈志

明洪武三年建嘉靖十二

年修

縣冊

三官廟

在縣東八里

賈志

火星廟

在鳳泉東南五里

賈志

太白廟

在縣南三里在城里

縣冊

二龍廟

一在縣東南二十里一山聳秀松柏森然

渭水繞其下為青龍廟其在縣東北三十里為白

龍廟

府志

姜嫄廟

在縣東南四十里郃城鎮內

賈志

三義廟

在縣北二里

賈志

一在在城里康熙四十七

年修

縣冊

三班祠

在飛鳳山康熙四十七年知縣丁腹松重

修

縣志

伏波祠

在縣東四十里伏波村祀援賈志

馬公祠

在縣東南二十里祀融賈志

曹大家祠

在縣治東街雍正九年知縣張婁度建

縣志

韓文公祠

在法門寺久廢雍正八年知縣張婁度

移建白龍寺中

縣志

附古祠廟

漢威侯馬超廟在茂陵山即超故居地

見縣志

志

元順帝至元六年詔建馬超祠於扶風

續文獻通考

龍光寺

在縣治西唐開元二十八年建

府志

本朝雍正四年重修

縣志

法門寺

在縣北二十里明正德中僧澄叟修

賈志

古

塔四層葬佛手指骨一節唐憲宗盛儀衛迎入禁

中即韓吏部表諫者塔下層為大有石芙蓉工製

精妙每芙蕖一葉上刻一施金錢人姓名殆數千

人宮女姓名為多又刻白玉像所葬佛指骨置金

蓮花中隔琉璃水晶匣可見

聞見後錄

法門寺者唐憲

宗迎佛骨之所也元和十四年詔改為法雲寺勅

學士張仲素撰碑宋徽宗有讚并大書皇帝佛國

四字於山門之上明弘治十八年住僧通璟重修

張杰
碑記

法禧寺

在縣東南五十里唐時勅建

賈志

明天啟七

年修

縣冊

長命寺

在縣東三十里長命里內有彭祖足跡唐

時建

本朝康熙三十五年修

縣冊

賢山寺

在縣東南二十里有塔宋淳祐五年建元

泰定二年修相傳賢人多聚於此故名旁有三洞

極幽邃蓋勝迹也明嘉靖十二年長安令厯官兵

部尚書楊博遊寺有記

府志

鳳泉寺

在縣北訓義里離城五十里金時建中有

泉相傳鳳飲於此

縣志

丹霞觀

在美陽城明正德元年修

馬志

修真觀

在縣東北一里

賈志

景福宮

在縣治北

賈志

金正隆年建明正德九年修

有仙人張三丰畫壁

縣志

魯馬庵

在縣北永安里距城四十里六朝古剎歷

代重修

縣志

鄒縣

太白山湫神廟 在縣東南四十里太白山上唐天寶八載封山神為神應公貞元十二年秋旱詔飾祠廟翌日大雨黍稷用豐柳宗元有碑記宋至和三年封神為濟民侯知府李昭遘重修有記嘉祐七年復封為明應公府簽判蘇軾有祭告文并迎送詞五章熙寧八年進封福應王金元俱仍王爵明正統四年重建

本朝康熙四十六年禱雨靈應知府朱琦立代天澤物

匾以誌神庥

府志

天寶八載太白山人李渾稱於金

星洞仙人見語老君云有玉板石記符聖上長生
久視令御史中丞王鉷入山洞求而得之閏六月
丙辰詔太白山可封為神應公其金星洞改為嘉
祥洞仍一洞置一祠宇仙人臺下置一觀以真符
玉芝為名

冊府元龜

太白山至靈自昔禱無不應近歲

向傳公少師為守奏封山神為濟民侯自此禱不

應偶取唐會要云天寶十四年詔封山神為靈
應公吾然後知神之所以不悅者即告太守遣使
禱之若應當奏乞復公爵且以瓶取水歸郡遂大
雨三日吾作奏檢具言其狀詔封明應公且修其
廟祀之日有白鼠長尺餘歷酒饌上嗅而不食父
老曰龍也是歲嘉祐七年東坡志林太白嵯峨萬丈積
亘古雪盛夏不化望之皓然絕頂有湫池三區深
不可測五色雲時覆其上下軍行勿敢輕動鼓

角不則烈風電雨立至

檢討王豫嘉記

西方之帝是為少

皞其神太白其獸白虎其埜井鬼於卦為兌於行為金金色白木老於火而死於金故草木不生金壯水生故積雪不解湫池內文章變化蓋山無草木精華在水不則漳水緞竦之觀龍淵玉英之說耳

李栢記

大太白池清澈無塵中有神龍時大時小

常放五色光虔叩則應旁有淨池烏毛色可愛池

有寸草即銜去餘池同

按察賈鉉山圖記

宇在山嶺皆板

屋高僅尋丈神像皆鐵鑄高止三尺蓋土人負以
上山不能大耳殿瓦用鐵制度古樸道士一二人
亦非紅塵客

賈鉅禱
雨記

其一廟舊在縣治西十步元

至正二十三年修明洪武十二年有祈雨靈應碑

嘉靖十年移建城南百步其一在清湫鎮元明俱

重修

縣志

一在縣西南十五里第五村康熙十三年

重修處士李栢有記一在縣東二十五里明成化

年修亦有三湫池久涸

本朝順治十三年復湧出

縣冊

關帝廟 在縣治東一里

府志

明勅建

本朝雍正元年知縣茅子贇修

縣冊

東嶽廟 在縣治元至正二年建明成化十五年重

修

賈志

蘇子卿祠 在城東四十里湯浴西溝

縣冊

張誠公橫渠夫子廟 在縣大振谷口

本朝康熙二十三年

賜額曰學達性天提學道許孫奎有重脩碑記又有祠
在縣東五十里橫渠鎮先生故居元元貞間建延
祐四年縣尉楊粹重修進士文禮愷記明成化十
八年重脩參政劉憲記弘治二年參政謝綬奏准
春秋致祭一在縣治正統二年知縣石琳建弘治
四年知縣賈景重脩

本朝康熙五十七年知縣趙濬移建啟聖祠東

縣志

國子

監學錄張養蒙於萬曆二十六年四月題為釐正

祀典以安神明疏云輔成既得比例於珣松則張

載之父自應比例於輔成

續文獻通考

本朝雍正二年增先儒之當從祀入祠者一人張子橫

渠之父張迪附入崇聖祠

政治全書

雙烈祠

在縣治西祀烈女張存兒桂花

賈志

西明寺

在縣西南二十里唐顯慶三年為玄奘法

師建酉陽雜俎云孫思邈隱終南石室與宣律互

參玄旨於此

縣志

建法寺

在縣治東唐大厯元年建

賈志

蟠龍寺

在縣西南三十里宋蘇軾宿此有詩

賈志

淨光寺

在縣南一里宋元祐二年建

馬志

明洪武十

六年重建

縣冊

崇壽禪院

在縣東五十里宋蘇軾有詩

賈志

槐北寺

在縣治槐芽鎮北一里即古惠濟院金大

定四年賜額明代屢有修葺萬厯二十六年知縣

陳直撰記畧云南擁太白北環渭水東接柿林西

臨清湫先是有神僧淨古道者禪憩於此至金大

定四年住僧懷正拓址增殿剎勅賜院名而槐北

寺遂為一方勝槩焉

縣志

大厯寺 在縣西北十里元泰定四年建明洪武九

年重修

府志

天慶觀 在縣東里許元至大元年建至元中僉事

陳亞有詩

府志

明洪武十六年重建

縣志

雲溪觀 在縣東南五十里元至大元年建

賈志

雲庵 在縣東南四十里金大定間有僧隱庵中後

有石洞刻達摩像相傳達摩傳法於此

縣冊

寶鷄縣

玉皇廟 在縣東南六十里相傳唐縣尹劉綱夫婦

登仙處

賈志

姜太公廟 在縣東南六十里礮溪側

馬志

礮溪東北

流入渭廟居其右廟左有釣石石根著土甚微盤旋而上至頂平廣雙窠膝跡顯然蓋當時坐而持

竿之所也明嘉靖間巡茶御史方新建

本廟碑記

關帝廟 一在治東一在治西夾石橋一在潞草原

何家村一在益門鎮有王仕碑記

縣志

東嶽廟 在縣東明弘治中重修

本朝雍正六年邑舉人白本素修

縣冊

龍王廟 在縣治南門外康熙己亥年署令王澤隆

修

縣冊

附古祠廟陳寶祠在縣東二十里

賈志

秦文公獲若石於

陳倉北坂城祠之祀以一牢祠命曰陳寶

史記秦穆

公時陳倉人掘地得物若羊非羊若猪非猪牽以獻穆公道逢二童子曰此名為媼常在地中食死人腦若欲殺之以栢挿其首媼曰此二童子名為陳寶得雄者王得雌者霸陳倉人舍之逐二童子二童化為雉飛入於林陳倉人告穆公發徒大獵得其雌又化為石置之汧渭之間至文公立祠名陳寶

列異傳

有當時祀鷄臺址存明提學伍福有詩

縣志

青峰萬壽禪院 即青峰寺有二所俱在縣東南一

百八十里上院楚禪師開山陳倉人有名塔基址

存焉下院晉天福二年建有記

府志

佛岩寺 在縣西四十里唐時崖裂佛出五十三軀

遂建為寺

本朝康熙癸卯年僧淡虛重修大學士党崇雅撰記

縣冊

慶壽寺 在縣西北五里元大德五年僧雲岩建修

賈志

燃燈寺

在縣東二十里元至大四年僧吉祥重建

府志

八角寺

在縣東一里後有泉水其形八角故名

馬志

明弘治十四年知縣許莊疏泉入城為居民利

府志

明素觀

在縣西南四十里正陽真人修煉處

賈志

通仙觀

在縣南十五里大散仙人成道處

賈志

啟靈觀

在縣東南六十里長春真人避暑之所

賈志

金臺觀

在縣東北一里許張三丰修道之所章丘

李春記

府志

元末邑人楊軌山等修明宣德八年侍

郎張用澣重修

縣冊

佑德觀

在縣東明洪武十六年重修

馬志

正統七年

重修縣丞甯柔有碑記

縣冊

丹陽觀

在縣東南四十五里丹陽馬真人度劉綱

處

縣冊

七星觀

在縣西四十里有七星現彩故名

賈志

還丹院

在縣南二十五里純陽真人煉丹處

賈志

混元洞

在縣東七十里長春真人煉魔處

賈志

明弘

治辛酉年修

縣冊

朝陽洞

在縣治東北二里張三丰修仙處明嘉靖

二十九年里人趙世鳳修

縣冊

成道宮

在縣東南六十里渭水之南金大定十四

年建丘真人處機之住址元至元十七年道士方

志正等創建副使魏初有記其宮始名長春觀至

元十四年始改今名

縣志

汧陽縣

鯨亭廟

在城東北三十里元至正八年重修

馬志

禹王廟

在縣東北二十里

賈志

關帝廟

在縣治東文廟西康熙四十年重修有記

縣志

三賢祠

在縣治東祀燕公伋郭公欽段公秀實伋

從夫子適周欽肥遯於王莽居攝之世秀實死朱

泚之難舊皆祀於鄉賢明天啟元年知縣夏之時

始創祠另祀錫山高攀龍撰記馮從吾篆額

縣志

唐段太尉祠 在縣南一里祀忠烈段秀實

賈志

一在

縣西北四十里元鄒洪道有詩

馬志

興元元年詔贈

太尉謚忠烈帝還都又詔致祭旌其門閭親銘其

碑太和壬子伯倫始立廟有詔給鹵簿賜度支綾

絹五百以少牢致祭

唐書本傳

普濟禪院 舊名龍泉寺在縣東十五里龍泉山上

唐武德中創建五代時屢有興廢宋開寶元年住

僧進詞重修太平興國三年勅改普濟禪院

大中祥符

三年知龍州軍閻仲卿記

宋普濟禪院碑僧善雋書于侍御永

清稱賞以為不減聖教序

石墨鐫華

惠濟院

在縣澗溝河之西唐武德中建

賈志

朝陽寺

在縣西十里段坊康熙二十二年建

縣冊

護賢寺

在縣西二十里新興鋪康熙五十四年建

縣冊

玉虛宮

在縣治黃堵村元至元十三年建

府志

玉清宮

在縣東三里金大定中建

馬志

元至元十五

年修副使姚燧有記

府志

附古寺觀

毘盧寺在縣北一里碑記猶存

縣志

朝元觀在

縣北十五里元至元十八年建今惟存碑記

縣志

麟遊縣

關帝廟

在縣治西三代神牌供奉後殿

縣志

文昌祠

在縣治東明嘉靖二十八年知縣張應時

建

府志

浮澤大帝廟 在縣北三里有靈湫祭禱響應

賈志

齊王廟

在縣北門外童山祀唐崔子玉子玉生多

嘉政民頌德不忘建祠以祀金承定二年邑令王璞以旱蝗禱雨立應遂新其廟元明以來屢次加

修有碑記

縣冊

附古祠廟

織女祠在縣東十里董永墓側相傳董永因

貧典身葬父為人治絲晝夜勤苦天感其孝遣仙

女配永機織償足而去時人異之立廟以祀

府志

天台寺

在縣西五里天台上即唐九成宮故墟

也南面青蓮北負排雲寺內尚存白松古栢

縣志

招賢寺

在縣西五十里唐時建

本朝康熙五十四年修

縣志

興國寺

在縣治北門外童山下唐開元十年建唐

時古松尚存有銀杏樹大四五圍高與山齊明正

統間歲旱禱雨靈應蜀進士李同文有記

縣志

閣頭寺

在縣北五十里唐太和中建

賈志

石臼寺

在縣南十五里石臼山上元至正十五年

建

縣志

本朝康熙四十二年修

縣冊

畫閣寺

一在縣東三十里一在縣西八十里俱元

大德五年建

府志

青蓮山寺

在縣西二十五里明季火焚

本朝康熙四十二年修

縣冊

仙遊觀

在縣治東北昔有一道人進此觀忽不見

人始知其為仙故名宋蘇軾有詩

府志

明永樂五年

修

縣冊

金陽觀

在縣北八十里元至正八年建

馬志

隴州

西鎮吳山廟

在州南七十里吳岳山下唐李晟鎮

鳳翔時旱禱雨應有侍御史內供奉于公異記廟

前有御香亭

馬志

周禮西鎮曰岳吳岳即沂山亦名

吳山水經注云吳山三峰秀出雲霄山頂相捍望

之常有落勢其位西方故曰西鎮

府志

開皇十六年

正月准西鎮吳山造神廟

隋書禮儀志

天寶十載二月

己亥遣大理少卿李禎祭吳岳山成德公至德二年二月帝在鳳翔改汧陽郡吳山為西岳增秩以祈靈助清泰元年正月壬申詔吳岳成德公可進封靈應王其祠宇宮屬仍同五嶽初帝在鳳翔將有沉闕之釁遣房嵩祀之有應至是欲加封爵下

有司簡討奏天寶十載正月封吳山為成德公至
德二年十二月改吳山為嶽祠享官屬視五嶽今
國家以靈告祥宜示殊等故有是命二年四月庚
午授冊於少府監烏昭達往吳山祠封靈應王冊府
元龜開寶六年遣使奉衣冠劍履送西鎮吳嶽廟立
秋日祀西鎮吳山於隴州吳山舊封成德公元豐
八年封王宋史禮志大德二年二月加封西鎮吳山為
成德永靖王至元三年定歲祀嶽鎮之制七月土

王日祀吳山於隴縣界以所在守官為之

元史祭
祀志

明洪武三年詔嶽鎮海瀆英靈之炁受命上帝豈

國家封號可加命依古制止以山水本名稱西鎮

吳山之神十二年勅修遣官賜金香盒一座有司

祭服二襲永樂二年勅修正統五年災知州張幹

重建

州志

隆慶二年六月以陝西地震命撫臣張祉

告祭西鎮吳山之神

續文獻
通考

本朝順治八年遣尚書王鐸致祭十四年知州黃雲蒸

修知府項始震有記康熙二年遣副都御史楊時
薦致祭四十二年五月

賜額曰五峰挺秀五十二年遣內閣侍讀學士查弼納
五十八年遣翰林侍讀陳世倌致祭雍正元年遣
內閣侍讀學士田文鏡致祭俱有碑記每歲春秋
有司修其常祀

州志

關帝廟 在州治西康熙四十四年修

州冊

秦王廟 在小隴山相傳穆公西征至此回車後因

立廟

賈志

靈義侯祠

在州城內唐大厯二年故郡壘艱於得

水苟氏夫婦獻地因遷城於此勅封為靈義侯靈
順夫人立祠以祀有禱屢應至宋太祖時西番占
至汧渭累戰不勝禱於侯祠苟氏復顯靈退賊還
七十餘郡封為安祐侯靈順夫人賜廟額曰安祐

州志

本朝康熙五十二年修

州冊

附古壇廟

上時下時在景山之陽秦靈公作以祀黃帝

賈志

開元寺

在州北一里河北坂有木塔七級唐開元

中建元皇統間修明宣德八年重修

本朝順治十八年闕西道叅政李月桂捐修有記

州志

龍眼寺

在州東十五里杜陽堡山脊有二泉如龍

眼故名唐鄭國公建明弘治間重修

府志

白馬寺

在州南闕唐開元中建明景泰正德間屢

修賈志

覺皇寺

在州神泉鎮唐開元中建

賈志

鐵佛寺

在香泉內有鐵佛一尊寺有二上曰惠力

寺下曰永福院宋咸平中建元祐間重修

府志

興國寺

在州治西北隅

馬志

元至元中建

本朝順治十四年鎮守張光祖重修

州志

萬壽宮

在州西一里朱家寨宋建紹興間道士馬

丹陽者居之明正德十年重修

府志

一在州東二里

東觀川元至元中建

州志

谷神觀

在州治北二里宋時建

州志

寒居洞


在州頭鎮北山下有嵩陽居士記

賈志

混元宮

在州西北六十里景福山頂

州冊



陝西通志卷二十八